





萬曆杭州府志卷之四十一

學校上府



善曰杭所隸邑凡九邑各置學通郡學為十宋元已前餘杭於潛故號小邑乃文士代不乏人入

國朝來二百餘年茲二邑之士殊不藹藹豈風氣以時殊哉將昌熾於前者瘠確於後也今庠序任衿帶者惟會城三學暨海昌為蕃然齋舍徒設而弦誦罔聞博士倚席不講先王建學之意邈矣觀風振鐸者盍念諸

本府儒學舊在通越門外鳳凰山之右莫詳創始宋



紹興元年徙建湧金門內凌家橋西慧安寺故基

二十六年高宗御製孔子暨諸賢像贊刻石於太

學仍賜刻本於諸學校自為序序曰朕自睦鄰息

多士以遂忠良邇繼幸太學延見諸生濟濟在庭

意甚嘉之因作文宣王贊機政餘閒歷取顏回而

下七十二人亦為製贊用廣列聖崇儒右文之聲

復知師弟子間纓弁森森覃精繹思之訓其於治

道亦庶幾焉○孔丘字仲尼魯人唐開元十七年

謚為文宣王贊曰大哉先聖斯文在茲帝王之式

古今之師志在春秋道由忠恕賢於堯舜日月其

譽惟時載雍哉此武功肅昭盛儀海宇聿崇○頌

回字子淵魯人贈堯國公贊曰德行首科顯冠學

徒不遷不貳樂道以居食埃甚忠在陋自如宜稱

賢哉豈止不愚○閔損字子騫魯人贈費侯贊曰

天經地義孝哉閔騫父母昆弟不間其言汗其不

事志氣軒軒復我汶上出處休然○冉耕字伯牛

魯人贈鄆侯贊曰德以克性行以操身二事在躬

日躋而新並馳賢科得類為鄰不幸斯疾命也莫

能○冉雍字仲弓魯人贈薛侯贊曰懿德賢行有

一則尊子也履之成性存存駢角有用犁牛莫倫

刑政之言惠施元元○宰予字子我魯人贈齊侯

贊曰辨以飾詐言以致文苟弗執禮宜莫釋紛朽

木糞墻置不足云言語之科燁然有聞○端木賜

字子貢衛人贈黎侯贊曰謙德知二器實瑚璉動

必幾先孰並其辨一使存魯五國有變終相其主

譽處攸遠○冉求字子有魯人贈徐侯贊曰循良

之要在於有政可使為宰千室百乘師門育才治

心扶性退則進之琢磨之柄○仲由字子路卞人

贈衛侯贊曰升堂惟先千乘為摧陵暴知非委質

可賢折獄言簡結纓禮全惡言不耳仲尼賴焉○

言偃字子游吳人贈吳侯贊曰道義正已文學擅

科為宰武城抑以弦歌割雞之試牛刀謂何前言

戲爾博約則多○卜商字子夏衛人贈衛侯贊曰

文學之目名重一時為君子儒作衛侯師不可後

禮始可言詩假蓋小嫌聖亦不疵○曾參字子輿

武城人贈郈伯贊曰夫孝要道用訓羣生以綱百

行以通神明因子侍師答問成經事親之實代為

元子于志



儀刑○公西赤字子華魯人贈郟伯贊曰學者行道敝緇亦稱使齊光華偶為肥輕周急之言君子所令答問允嚴理皆先經○公伯寮字子同魯人贈任伯贊曰人有賢否道有廢興子如命何營營震驚季孫雖惑景伯莫平師賢一言秩祀亦懲○漆雕開字子開魯人贈滕伯贊曰仕進之道要在究習具臣而居咎欲誰執斯未能信謙謙有立闕里說之多士莫及○南宮适字子容魯人贈郊伯贊曰先覺既立禮樂金馳尚德君子爾乃兼之羿羿可慙禹稷可師三復此道載觀白圭○申棖字子績魯人贈阿伯贊曰剛毅近仁志操莫渝性匪祝鮀面豈子都有一於此剛名可圖云慾則柔蓋生之徒○原憲字子思魯人贈原伯贊曰哉彼窮閭達士所尊邦無道廢進退孰倫敝衣非立無財乃貧賜雖不擇清節照人○有若字子有魯人贈卞伯贊曰人稟秀德氣貌或同而子儼然温温其容兩端發問未達機鋒以禮節和斯言可宗○司馬耕字子牛宋人贈汶伯贊曰手足其親志異出處懸將為亂子乃脫去在汙能潔危而有慮內省若思何憂何懼○顓孫師字子張陳人贈陳伯贊

曰念昔顓孫商德與隣學如干祿問必書紳參前倚衡忠信是遵色取行違作戒後人○高柴字子羔衛人贈其伯贊曰婉彼子羔學業先聖宗廟之門一出乎正克篤於孝非愚乃令師知其生有輝賢行○陳亢字子禽陳人贈穎伯贊曰惟禽之問從容答鯉求以異聞詩禮云爾請一得三誠退而喜且知將聖不私其子○樊須字子遲齊人贈燕伯贊曰養才以道聖人無濟始謂不仁問學良喜寓意農圃似揆仁義學稼之詞豈姑舍是○林放字子丘魯人贈清河伯贊曰禮之有本子能獨問大哉斯言光照明訓德輝泰山誣祭莫奮崇茲祀典蓋永令聞○公冶長字子長齊人贈莒伯贊曰子長宏度高出倫輩雖在縲紲知非其罪純德備行夫子所美以子妻之尤知英槩○瑛瑗字伯玉衛人贈衛伯贊曰有衛伯王夫子與居寡過未能荐贊使乎以屍諫君友則史魚果能進賢爛然簡書○澹臺滅明字子羽武城人贈江伯贊曰惟子有道天與異容狀雖云惡德則甚豐南止江沱學者雲從取士在茲貌或非公○曾蒧字哲魯人贈宿伯贊曰惟時義方有子誠孝怡怡聖域俱膺是



道暮春舞雩詠歌聖教師故與之和悅宜召○宓  
不齊字子賤魯人贈單伯贊曰君子若人單父之  
政引肘寤君放魚稟令傳部勿獲遂能制命百代  
理邑用規觀聽○顏無繇字路魯人贈祀伯贊曰  
人誰無子爾嗣特奇行爲世範學爲人師請車誠  
非顧匪其私千載之下足以示慈○巫馬施字子  
期魯人贈鄆伯贊曰天清日明密雲何有師命持  
蓋子亦善祐惟夫子期三才充究學者之藥所得  
遂茂○商瞿字子木魯人贈蒙伯贊曰易之爲書  
彌綸天地五十乃學師則有是子能授受洙泗傳  
世知幾其神宜被厥祀○公孫龍字子石楚人贈  
黃伯贊曰黃伯著祀公孫是云彌縫中道協輔斯  
文蔽脩方異漸漬其勤史詞不忘播爲清芬○廉  
潔字子庸衛人贈莒伯贊曰兄弟之邦士有庶庸  
涵泳素教表揭儒宗杏壇探賸沫泗從容作興一  
時莒父其封○叔仲會字子期魯人贈瑕丘伯贊  
曰瑕丘祚邑子期是爲親訓有日廣業踰時四教  
允隆五常以持比肩俊傑聞望斯垂○燕伋字思  
秦人贈漁陽伯贊曰師席高振大成是集至道克  
傳賢達斯執善以之柔儒風可立漁陽之士得全

而及○申黨字周魯人贈邵陵伯贊曰旣旣申周  
四科與儔逸駕文圃鼓柷儒流冠佩旣燕言動允  
休邵陵得封子想清脩○琴牢字子開衛人贈南  
陵伯贊曰多能鄙事聖人曲意惟其知之是以不  
試宗魯雖友吊必以義尚師嘉言祀亦罔替○秦  
商字子以楚人贈上濟伯贊曰孔父孝友相尚以  
力俱生賢嗣相與以德是父是子致法疇克會弁  
儒林今名無極○步叔乘字子車齊人贈淳于伯  
贊曰勉勉子車封邑淳于親炙避席唯諾趨隅發  
問旣博雅道是扶抑可尚也不亦美乎○顏之僕  
字叔魯人贈東武伯贊曰賢行顏叔親承尼父志  
銳於斯道遵是輔泥在陶鈞木就規矩終縻好爵  
揚名東武○公西藏字子上魯人贈祝阿伯贊曰  
倚爾子上魯邦之望以德則貴惟道是倡師聽師  
明友直友諒伯于祝阿儒風斯暢○石作蜀字子  
明秦人贈石邑伯贊曰在昔石邑能知所尊懋依  
有德克述無言鼓篋槐市揚名里門此道久親彼  
美長存○顏高字子驕魯人贈琅琊伯贊曰琅琊  
之伯其爲子驕徽言旣彰德音孔昭已觀舞雩同  
聲聽韶歷千百禩跂想高標○邾巽字子欽魯人



贈平陸伯贊曰彼美邽子先聖是承墻仞以及堂  
陛將升良王斯琢寒水必冰錫壤平陸茂實斯騰  
○任子齊字選魯人贈任城伯贊曰任城建伯其  
表曰選淑問雅馳才華清遠競辰力行愛日電勉  
禮教崇崇令望飯飯○曹卹字子循秦人贈曹伯  
贊曰肅肅曹伯王室之裔積習樂道切琢明義惟  
善則優素德是類史筆有煥今名永祀○冉孺字  
子魯宋人贈杞伯贊曰杞伯子魯聖學是務屬已  
斯約好問乃裕周旋中規容止可度允矣昔賢後  
世所慕○伯虔字子析魯人贈駢伯贊曰有虔子  
析全魯之彥儒行既明駢伯乃建統兢受道奕奕  
峩弁懿選嘉訪世享馨薦○縣成字子旗魯人贈  
鉅野伯贊曰至聖立教子旗安雅擅譽魯邦錫祚  
鉅野偉矣風猷時哉用舍出倫離類後學是假○  
顏瞻字子聲魯人贈朱虛伯贊曰褒錫未虛在器  
輪輿儒室振領聖門曳裾賢業素蘊美才以櫛萬  
世不刊載觀成書○孔忠字子茂魯人贈汝陽伯  
贊曰惟子挺生道德之門佩聽至論鯉門第昆三  
得三知所問深溫君子歸服義不掩恩○后虔字  
子里齊人贈營丘伯贊曰溫溫子里入聞至聖覽

道之華秉德之柄深造闢闕不乖言行全齊之封  
竹素為盛○左人逞字行魯人贈臨淄伯贊曰伯  
彼臨淄左行獨賢希蹤十哲秀穎三千心悅誠服  
家至戶傳樂只君子文聲益宣○公哲哀字季次  
齊人贈鄒伯贊曰周衰偽隆政出羣公庶耻道後  
家政聿崇不為屈節焉默自容于於是時凜然清  
風○漆雕徒父字十斯魯人贈瀕句伯贊曰遐想  
于斯挾策聖幃涉道是嗜唯仕可斯在德乃賢在  
名乃垂洋洋之風逮今四馳○榮旂字子旗魯人  
贈雩婁伯贊曰伯錫雩婁務學日著三千之徒七  
十是預歷告莫行惟德乃據視于前書式彰厥譽  
○秦祖字子南秦人贈沙梁伯贊曰秦有子南贊  
贊述作守道之淵成德之博範若鑄金契猶發藥  
歷世明祀沙梁寵爵○秦非字子之魯人贈汧陽  
伯贊曰樂善哲士伯于汧陽傳道克正爵名允臧  
執德以洪用心必剛衰廣業履式彰素王○商澤  
字子季魯人贈睢陽伯贊曰邈矣子季睢陽是伯  
屏息受業道教登席未踐四科固涉六籍祀典載  
之好是正直○鄭國字子徒魯人贈滎陽伯贊曰  
伯夫滎陽實為令德俊義賢行過不留跡道以學



傳妙則心識猗歟偉歟後代之則○顏韋字子柳  
魯人贈蕃伯贊曰祀封于蕃實維子柳夙敏格言  
克遵善誘明德惟馨賢業所就大侑于儒傳芳逾  
茂○漆雕咳字子歛魯人贈武城伯贊曰子歛受  
封爰居武城豐豐其聞翩翩其英樞衣時習厥學  
日明誕敷禮教爵里增榮○壤駟赤字子徒秦人  
贈北衛伯贊曰式是壤伯昭乎望徒執經請益載  
道若無詩書規矩問學楷模得志則駕領袖諸儒  
○施之常字子仁魯人贈乘氏伯贊曰國因乘氏  
有德斯彰參稽百行贊禮三綱自拔行間榮名甚  
光在史靄靄歷久彌芳○公孫勾茲字子之魯人  
贈期思伯贊曰惟彼子之錫祚期思與賢金進得  
聖而師彬彬雅道翼翼令儀一日主言廟食不隳  
○狄黑字哲衛人贈臨濟伯贊曰仰正狄黑抱負  
淵通游泳德化揚厲素風偉識既異特教乃隆厥  
知茂焉宓祀無窮○奚容蒧字子哲魯人贈下邳  
伯贊曰奚容子哲已望堂室幼學有造成則祖述  
文采日化儒効力弼永享厥成德音秩秩○冉季  
字子產魯人贈東平伯贊曰東平子產姓著盛持  
奉時於塾講道之微答問其敏淵妙以思升降陞

廉尚想英姿○秦冉字開蔡人贈彭衙伯贊曰彭  
衙高士經籍是親贊成德義叶於大倫底績聖道  
期肖素臣優哉優哉學以致身○梁仲一云鱣字  
子免一云叔魚齊人贈趙伯贊曰室家壯年無子  
則逐見於信史全齊之俗原本厥初師之何復以  
學則知揆之宜篤○樂欬字子聲齊人贈昌平伯  
贊曰樂氏子聲錫爵昌平信道之篤見善乃明引  
領高爵載惟昌城先賢聿集出為時英○咸淳志  
云按洪邁隨筆唐開元中封孔子為文宣王顏子  
為充公閔子至子夏為侯羣弟子為伯本朝祥符  
中進封公為國侯為郡公伯為侯太上皇帝御製  
贊七十二首有司但其唐爵故宸翰所書皆用開  
元國邑今當請  
嘉定九年教授袁肅黃灝病廟學  
而正之可也

湫隘上之帥請于朝旨拓而大之文元公楊簡為

記 畧曰嘉定九年京庠典教袁肅黃灝顧瞻先  
聖之宮與夫講學之所卑陋不足使人興敬以  
助教養矧行都四會觀仰大化本根告于帥請于  
朝旨惠然從請明年孟春經始越二月告成闢基



崇宇萬目且瞻自昔到今幾於百年始克鼎新大備屬簡識其事以發揮先聖垂教之大旨啓佑

後學理宗時御製道統十三贊刻石于郡學序曰

云云承祖宗右文之緒祇適燕謀日奉慈極萬幾餘間

博求載籍推迹道統之傳自伏羲迄于孟子凡達

而在上其道行窮而在下其教明採其大指各為

之贊雖未能探蹟精微姑以寓尊其所聞之意云

爾○伏羲贊繼天立極為百王先法度肇建道德

純全八卦成文三墳不傳無言而化至治自然○

堯贊大哉帝克盛德巍巍垂衣而治光被華夷聖

神文武四岳是咨揖遜之典萬世仰之○舜贊於

皇聖德至孝盡倫所以為大樂善取人惟精惟一

帝心之純垂拱無為堯道是循○禹贊克勤于邦

烝民乃粒曆數在躬厥中允執惡酒好言九功由

立不伐不矜振古莫及○湯贊順天應人本乎仁

義以質繼忠匪曰求異盤銘一德桑林六事人紀

肇脩垂千萬世○文王贊道被南國首正人倫仁

政一施必先窮民翼翼小心秉茲德純丕顯大謨

萬邦儀刑○武王贊受天眷命繼志前人迭遷後

服偃武修文惟賢是寶彰信兆民建用皇極爰敘  
藝倫○周公贊美哉公旦翼輔成周施兼四事才  
藝俱優制禮作樂惠澤敷流有大勳勞宗社延休  
○孔子贊聖哉尼父秉德在躬應聘列國道大莫  
容六藝既作文教聿崇今古日月萬代所宗○顏  
子贊學冠孔門德行科首聞一知十若無實有樂  
道箴瓢不易所守步趨聖師瞠若其後○曾子贊  
守約博施反躬三省孝為德先祿仕不忍聖道正  
傳意念神領一唯忠恕門人深警○子思贊開居  
請問世業克昌可離非道孜孜力行發揮中庸體  
用有常入德樞要治道權衡○孟子贊生稟淑質  
教被三遷博通儒術氣義浩然深造自得亞聖之  
賢高揖孔氏  
紹定四年府尹余天錫增置學田以  
贍生徒司崇周端朝為記畧曰都邑有學輯四方  
郡國比也夫學砥古樂正教養已備都邑具體也  
母已多乎昔者周都豐鎬王化流行自上而下既  
繫之周南召公食畿承為方伯明教以正俗下國  
化之又繫之召南夫國有太學而方伯無承流宣



化之倡是古周南無召南而可乎自秦漢內史分  
 治不復知古方伯之誼至其事權日益繁重獄訟  
 彈壓外無所警省奚暇於學紹定四年四明余公  
 以戶部侍郎行大尹事剔焚為平轉劇為整始泣  
 政首趨學宮舍與如禮會諸生於明倫堂詢其豐  
 約逸煩之故未幾遂頒公藏斥絕產通萬緡買田  
 贍士俾食無拘員庖有增膳油油翼翼唯課業是  
 程於是教授季君晞顏葉君應輔實紀其政而諸  
 生咸願伐石以永余公之德蓋自若仁義禮樂之  
 教寄於士制於公侯牧伯務貴其士而士則務貴  
 其身所以絕倫類而通道德也非居且食之謂也  
 建國設官文法吏治之外士有廟堂之論次有文  
 館之聚中有學校之教不以通功易事而誦習游  
 息其間日用飲食體察警省以見義理之復欲擇  
 善者相觀而善未成材者觀德而成所以致用而  
 不窮之道也學校下不與百執有司列而上與廟  
 堂等然則豈曰養之而已乎今公以霧隱之舊唯  
 養不給是謀將秬秠厥成以觀其會通而二君精  
 敷典學迎受善意以迪其士聲熏氣炙被于百城  
 入節儉正直如召南羔羊之行斯則都邑流化之

方也余懼世俗不察徒見招徠滋廣廡稍益豐際  
 之日養士養士故為叙其所以然之故而命教者

考焉淳祐八年安撫趙與憲重建廟學增置學廩元

至正十年守寶哥又新之十二年燬于寇十三年

總管帖睦烈思乃飭材重建購禮佛寺地展櫺星

門于南而規制恢廓視昔為備江浙儒學提舉王

大本為記二十二年復燬二十三年守夏思忠盡

購禮佛寺基南北二百步東西一百六十步新之

江浙儒學提舉楊嗣為記

縣學廟寔以盛隆杭在前代為都會國社既墟而

其京學遂為郡庠凡再新之連燬于火至正二十

三年總管夏侯思忠方議重作因定以廟居中其

西為學東為教官之署拓其前及左視先帝之江



浙行省左丞相太尉達公捐金發粟以應所需所部富室翕然嚮風侯遂戒屬吏以任供億選曹吏以司簿書合羣工鳩衆役同興金舉無有後先既俾僚佐分屯專總侯且暮程督勞來有常舉棟之日觀者如堵太尉躬率僚屬來致犒助行臺御史亦與浙西江東二道司憲之官搗助有差境內有司不約而會規模就緒尤顯尊崇儀像儼然塗繪以度至於執事諸生贊禮之服作樂之器靡不咸新式稱明

國朝洪武二年頒行卧碑堯明倫堂

是碑九學校皆同故此處與屬

縣學俱不備載

八年重建廟學永樂間建尊經閣彙藏頒

賜諸書十七年廟學燬于火宣德二年巡按浙江

監察御史海虞吳訥疏宋高宗御製像贊

先聖及

弟子贊宋高宗製并書其像則李龍眠磨所畫也高宗南渡建行宮于杭紹興十四年正月始即

飛第作太學三月臨幸首製先聖贊後自顏淵而下亦撰詞以致褒崇之意二十六年十二月刻石于學附以太師尚書左僕射同中書門下平章事兼樞密使秦檜記檜之言有曰孔子以儒道設教一弟子皆無邪雜背違於儒道者今縉紳之習或未純乎儒術願馳狙詐權譎之說以僥倖於功名其意蓋為當時言恢復者發也嗚呼靖康之禍二帝蒙塵汴都淪覆當時臣子正宜枕戈嘗膽以圖恢復而檜力主和議攘斥衆謀盡指一時忠義之言為狙詐權譎之論先儒朱熹謂其倡邪說以誤國挾虜勢以要君其罪上通于天萬死不足以贖者是也昔龜山楊先生時嘗建議罷王安石孔廟配享識者避之訥一介書生幸際聖明備員風紀茲於仁和縣學得觀石刻見檜之記尚與圖贊並存因命磨去其文庶使邪說之說姦穢之名不得廁於聖賢圖像之後然念流傳已久謹用備識俾後覽者

三年巡視大理寺卿水熊槩重建廟學自

為記

杭南宋故都也為東南大都會有湖山江海之勝士勤詩書而服禮樂民事工商而尚華



麗自昔然也郡有先聖廟在通越門之外紹興二  
 年始徙于凌家橋之西嘉定九年教授袁肅黃顥  
 以廟學卑隘請拓而大之淳祐六年安撫使趙與  
 憲又以理宗所賜稽古閣養源堂二扁復大而廣  
 之規模為之一新元至正十年歲久學廢郡守寶  
 哥病其陋也又撤而新之十二年燬于火郡守夏  
 思忠乃謀構近地而拓充焉地位爽塏吐麗非他  
 學比逮國朝六七年之間其規制視舊有加  
 永樂十七年居民不戒於火蕩熄殆盡所存者僅  
 戟門耳至於師生之講堂朝夕唯設幕以施教莫  
 有為之作新者宣德改元今天子嗣位命槩巡  
 撫東南下車視學教授黃汝濟訓導陳贊劉烈皮  
 岳等率其徒謁予言曰杭為浙之首郡學校人材  
 實諸郡先爰自回祿之餘荒落殆甚殆非所以崇  
 仰先師而作興士類也時浙藩右布政使艾公瑛  
 杭州府知府盧玉潤咸有作新之志而未果余乃  
 贊其成為袁良家大室之好事者俾出資以協助  
 焉既而按察使林公碩至又既而左布政使王公  
 澤至二公皆名進士也相與率賓僚之賢者先後  
 捐資次第而新之始禮殿次廊廡次明倫堂次崇

文閣又次而穿堂及門宇垣溝之屬無不畢舉知  
 府馬儀又增飾先聖先賢像於其中廣狹高深舉  
 得其度咸謂建學以來未之有也經始於宣德戊  
 申三月落成於辛亥二月計其材用工食之費數  
 千萬緡斯皆成於協相之力弗以錙銖役於眾嗟  
 夫學校朝廷設以養士也雖其術不一然所專治  
 者六經耳所躬行者六行耳士遊於斯不過明斯  
 文習斯經脩斯行以應時需士而非庠序之中切  
 磋討論薰陶漸染以成其德器則聞見膚淺智術  
 荒陋他日何以建功立業而垂令名於無窮今杭  
 之士子講習有齋升降有堂歲書有閣禮先聖賢  
 有殿有廡膳羞有庖澣濯有涵休宿有廬春弦夏  
 誦者無非聖經賢傳之旨朝益暮習者無非經義  
 詞章之習日就月將者無非脩己治人之實况國  
 家設有師儒以為之教養方獄以為之勸課守令  
 以為之督責誘掖獎勸以導迪之沉浸醲郁以造  
 就之以不息之功遲悠久之意至於教化興行習  
 俗純美將見杭之人士皆成德達材明體適用為  
 子孝而臣忠居廟堂之上則為名臣受民社之寄  
 則為良吏有真踐實行之效無偷合苟得之行如



此則為學之績成而教養之功著不惟無負於已  
無負於朝廷抑且無負於諸君子之盛意是學之  
修葺其有望於後之來者為甚重豈惟使之樞趨  
雖諾玩愒歲月以干世取祿而已哉茲因其請姑  
述所聞俾歸而  
刻諸石以俟  
正統 年左布政使孫原貞按察

使軒輓協同睿案鼎新廟學未幾遷去按察使陳

璇卒成之太學士廬陵陳循記  
杭建學當南渡初  
年在鄰城通越門

外為臨安府儒學紹興紀元之年徙凌家橋之西  
自宋淳祐迄於故元擴而新之者再自元至正迄  
於國朝新而火之者再宣德紀元之初大理卿吉  
水熊公槩巡撫至杭首以為患乃率左布政使三  
山黃澤暨按察使三山林碩為創始焉正統間今  
巡撫兵部尚書鄱陽孫公原貞為左布政使南京  
都察院左副都御史河南軒公輓為按察使於此  
相與率察案而申之二公既以去率而成其終者  
今按察使定遠陳君璇也中為禮殿翼以兩廡而  
門其前者三所以供祭而致齋者各有其處明倫

有堂翼以四齋而室其後者屢所以崇文而歲脩  
者各有攸王益其常度繚以周垣翼巖巖軒偉  
宏麗自陳君之率作始於景泰癸酉之春而成於  
其丙子之秋材出於公用之節者而民不知工出  
於庶役之閒隙而勞不怨相其所欲為者則有副  
使王鏜沈義僉事余第承及上官受鄭彥譽黃譽  
高安馮節馮靖知府龔貴知縣蔡慶元周溥之協  
心力焉既成陳君懼後之人無以感發其繼繩作  
學之志也乃具始末因學使余泰和尹如恢以職  
事至京師求為之記歸刻諸石然不記使其美無  
依歸又何以  
固辭乎云云  
成化二十一年郡守張縉又加脩葺

大理卿仁和夏時正為記弘治六年鎮守太監張

慶以尊經閣歲久傾圮屬縉重修之龔宋高宗御

製養弁李伯時所繪像于閣之北壁提學副使吳

伯通為記  
杭學之復建尊經閣也  
命臣鎮守太  
監張公實主之夫閣何為者也昔我



太宗皇帝思法古帝王以道治天下用光  
 皇帝之洪基於億萬年以謂帝王之道載諸經乃  
 命儒臣編修五經四書集傳註為大全又輯諸儒  
 成書格言為性理大全書頒布天下學校俾為師  
 者以是教為弟子者由是學焉庶幾天下士皆得  
 聞大道為良才而賴其用以輔世治民也於是古  
 昔聖賢傳道之書始編天下而文教單敷矣當是  
 時藩臬郡縣臣欽奉德意所在學校多為樓閣以  
 藏賜書而題之曰尊經茲閣之所為建也抗學之  
 有閣其助於是時乎成化中閣以久且敝守拆而  
 將更新之尋以事罷去閣遂廢廢而莫或有舉之  
 者弘治初公光膺濟命仍總鎮兩浙方思薦業新  
 化而郡人甲辰殿元李君子陽適家居問因告之  
 故請復之公欣然若曰仰承 祖宗德意宣德教  
 淑士心定民志以寧靖於海邦守臣首事也可後  
 乎遂屬其事於杭守晉陽張君朝用俾輟他務發  
 府藏金若干兩市材於南北既具乃卜乃選幕官  
 才者督工徒拓舊址而廣之作樓六楹其間五經  
 始於辛亥秋至壬子春工告訖功其成也崇高闊  
 豁氣勢巍然與南山對峙為賓主登之可以遠瞻

望而豁心神爰置度焉捧 賜書而藏之俾學之  
 師帥其弟子員旦晝登而啓卷講授于中焉仍取  
 舊題榜之南榮既成之明年憲長揚公維高進為  
 方伯修禮於學登樓有感謂余我輩承宣德化於  
 茲學之廢興乃吾輩職事也不能事事而賴公以  
 成功其善可泯耶子宜記之以永厥美伯通職專  
 文學不得辭乃為次序其本末紀諸石進師生而  
 語之曰閣以藏經也經以載道也閣名尊經者尊  
 道也夫道也者生天地生萬物者也其尊蓋無對  
 焉而人也者萬物之靈天地之心也生於道而體  
 夫道者也古之人有賢人聖人皆身心斯道者也  
 其才可以位天地育萬物其吐於詞發於事業者  
 皆可以為天下後世常法其載於書則謂之經故  
 曰經以載道也道無不在在經則人尊經即尊道  
 也然道在經而尊之以閣也道由在外也窮經而  
 明道恭敬奉持而著之心體之身斯為真能尊經  
 者道在我矣道在我則身脩而家可齊國可治天  
 下可平雖極至於天地位萬物育皆其功能也斯  
 不亦聖賢之才乎有天下者得是才而用之其澤  
 覆斯世當何如哉觀於三代之盛可知已我祖宗



列聖教天下士以經而常需其用深意不在此乎  
欽斯承斯閣而歲之知尊經矣尊經則尊道矣非  
臣職所當然乎士學而仕知其職者蓋亦希矣公  
天子內臣也乃獨知尊經度越士流遠哉其尤難  
得也是大可嘉也士  
十年立科目題名碑于櫺  
乎寧不為之頽厚

星門之外翰林院學士新安程敏政為記

難而副之之不易乎古之人知其然故因其得之  
難也有所迪之則謂之名教因其副之不易也有  
所礪之則謂之名節迪之而成礪之而與其名炳  
然與實符者士所貴也迪之而無所與成礪之而  
無所與興則為無聞為虛譽究其所至卒與鄉人  
等而重得罪焉豈所望於士哉杭東南大郡三司  
之所治也山川之佳勝物產之豐麗甲天下士生  
其間多秀且文而以材藝德履勲猷義烈聞四方  
豈一日之積哉逮我朝而士習益變崇雅黜浮  
名與之俱方岳之臣悉取而列之貞珉示表異焉  
則凡學於斯者指其名責其實懼其得之難而副  
之不易也將不知所警乎憂其為鄉人而求達之

家邦其必念累朝養士之厚取士之公得士之多  
肅行檢慎官常而勉於仕優之學俾令聞令望如  
卷阿之所奏無惡無斁而永終譽如振鷺之所美  
以無負於名教無玷於名節斯亦無廢於諸公作  
新之盛心矣乎然則號稱名臣以致主而澤民於  
盛時將有人焉以嗣書之其為杭學之重寧有既  
乎弘治十一年戊  
午八月吉日立  
是年巡按御史吳一貫以學

之南路旁出而隘塞謀諸鎮巡有司撤民居之障

其前者給直以拓之廣十丈袤三倍於廣吏部侍

郎錢塘李旻為記

太祖高皇帝有天下之明年為  
年乙卯杭州府廟學營建始成永樂庚子遭回祿  
之變燬焉宣德初大理卿熊公槩作而新之正統  
間按察使軒公輓創為諸生號舍學之所當有者  
至是畧備凡有事於兩浙自巡按御史以及藩臬  
郡守初到官若月朔望必祇謁於廟退就講堂延  
見諸生然後視民事春秋之祀必藩臬率郡屬行



事於斯故杭之廟學視他郡為重弘治丙辰監察御史吳公一貫來巡按浙江既數月屢至廟學見其外門與南向之路旁出而不正隘塞而不通慨然興懷乃謀諸 欽差鎮守太監傅公讓監察御史黃公世經藩臬長左布政使閻公仲宇按察使劉公福等商財度力詢謀僉同於是撤民居之阻其前者給地以易之願售者歸其直拓地廣十丈袤三倍於廣以為南出之路東南為高墉中立石柱巨坊題曰泮宮坊南行折而東跨河為石橋橋下為坊牌曰育才橋橋東通道為坊南北各一南曰文明北曰聚奎泮池在廟前門之內故有橋復翼以二以通左右趨廟之行為碑亭二於廟中門之前為學門二間於廟前門之右凡廟學之隳壞者皆葺而完經始於丁巳八月之朔至十月既望而落成焉嗟夫是學自宋建行都始遷於斯地迨今餘四百年更廢興增拓多矣今一旦煥然改觀非曩昔比豈偶然哉惟國家設學以養天下之上而與其賢能用佐治理其望之甚厚士遊於學亦惟正心脩身而所學所行不離於正或出或處必由於正不為詭隨邪僻之為以忝於士庶幾無

負於在上之望而斯人與有賴焉不然何取於學何貴於士耶今廟學之門與路旁出而不正隘塞而不通者既正而通之又擴而大之士之遊於斯者其必知所警與懼哉知警與懼將無往而非正且太也正且大斯無忝於士矣此固國家設學養士之心亦吳公與諸公興學之心也學之師主來請予為記既為歷敘廢興之詳因及夫心之所欲立願與同志者勉焉於是杭城內外廢革尼寺用其地立社學二十二所以教里中子弟而選其俊秀升之於學又得官地之在民間者七十二畝收其租以充廟學後來修葺之用二十三年鎮守太事皆關係於學因附書之是為記

監麥秀巡按監察御史鄧璋清軍監察御史任文

獻協新廟祀提學副使吳江趙寬為記

魯僖公能修泮宮詩人美之齊晏子之祀豚肩不掩豆君子鄙之况乎名藩巨鎮文獻之囿民物財賦既庶且富則學校之興廟祀之崇所以植扶綱常式弘名教一方治化所係甚重也而可後乎杭郡廟學之建舊矣像



設弗虔棟宇庫毀俎豆苦窳樂舞無節因仍數十  
 年吏于土者孰不欲作而新之然有志未就者衆  
 矣寬承乏學事恒疚于懷巡按監察御史范陽鄧  
 公之奉命來也憲紀誕張昭德塞違姦窟弊藪  
 剪剔殆盡而尤以篤斐斯文為務乃弘治己未歲  
 仲秋上丁祀禮既成寬以為言公曰然是誠無以  
 副聖明崇儒重道之意而稱大邦之規模且無以  
 慰士大夫報本之願而勵來學之士不可以不圖  
 鎮守大監南廣麥公聞之欣然曰是吾意也躬為  
 綜理清戎監察御史鄉城任公亦力贊之藩臬諸  
 公咸相厥成遂命有司考制度申典章計資用度  
 力役會萃察院斷獄賦罰總若干萬緡充其費郡  
 守梁萬鍾董其役下及百執事莫不效力遴工之  
 良倫材之精去其宗廟桴棖之蠹者而易之撤其  
 瓦苦朽鏤甃甕而新之自殿廡至師生講肄之宮  
 庖漏庫廩之所經之營之靡有闕遺改塑聖賢像  
 崇其壇壝既嚴既壯大羹之登和羹之釀黍稷之  
 簠簋果核脯醢之籩豆爵及匏斗雲雷象犧兔豕  
 之尊盥洗之具悉範金而為之蠲潔而渾堅製大  
 成樂器合於古之律呂選郡中道流充樂舞生為

之冠服如制延雅樂師以教於是造其庭堂聖  
 以高門闕廊而宏黜聖彰彩炫昭明入其室於  
 穆昭回洋洋在上几筵肅雍品物靜嘉觀其樂五  
 聲和八風平周旋有序容止有度蓋廟學之儀至  
 是而燦然矣明年夏鄧公將受代歸朝工亦就緒  
 僉謂斯惟一方曠世之盛典不書之後之人孰知  
 事之所始寬伏思之物者道之形迹道者政之根  
 柢欲求夫政先乎道欲求夫道先乎物物不植則  
 僵不修則壞道不興則廢不行則止儻之津宮因  
 物而興道也是故順常道屈羣醜淮夷獻琛政斯  
 行矣晏之豚不掩豆物不備而道廢也是故雖節  
 儉力行而不能已崔杼之亂善齊國之政焉制作  
 品式聲名度數之間其可少哉世之腐儒驚於虛  
 遠而畧於事為之實俗吏區區於刀筆筐篋而昧  
 於化民成俗之義由是物日以隳道日以蕪無怪  
 乎政之不舉也今茲諸公同道辨德探究治本翊  
 聖猷啟天燹庶士於焉陶鑄斯民有所模槩人材  
 將益以盛風俗將益以厚教化將益以洽自一方  
 而倡於羣牧則浙固諸藩之首也由近及遠更相  
 取法禮樂文章休明亨大之治彌滿於天下矣是

杭州府誌

卷之四十一

四

陶刻



用勒石識記自今邦之人士暨十八年巡按御史  
吏于土者尚世克欽承之無斁

### 車梁重新廟學南京吏部尚書四明楊守趾為記

弘治甲子冬監察御史車君梁奉命巡按兩浙  
風紀激昂政事修舉尤以興學造士為務月朔十  
五日例以香幣展拜先聖於杭州府學登進諸  
生勉以進脩德業志於無善天下間嘗仰瞻廟貌  
環視學宮其間有當修舊增新者隱度於心久矣  
至乙丑之秋會三司諸大夫于學宮僉議興作衆  
情惟名乃具五材役羣工屬提學憲副陳君王總  
理之知府楊君孟瑛暨其僚佐更督之千戶卜吉  
孔殷仁教授陳琬實董其役凡大成殿明倫堂尊  
經閣鄉賢祠以次修葺在石簷榱之傾壞者易之  
門庭藩廡之湫隘者闢之黜亞黑白之漫漶者飭  
之於大成殿東西墀內鑿二井各覆以亭戟門外  
之泮池舊有三橋偪仄今去其二築石堰以疏淤  
塞櫺星門外相距五丈建兩翼門各三間東曰義  
路西曰禮門又東隙地建樓一所題曰應魁皆前  
未有也經始於乙丑之秋其冬十月畢工費悉

出於公帑一介不取諸民於是廟學一新人皆為  
之拭目改觀矣布政使林君符戈君宣屬察政佐  
君符致書而俾訓導陳塗定來請記車君庚戌禮  
闈守趾所取士也綽有才望議論侃侃視天下之  
事無不可為者其修學一事豈足以盡其猷為似  
未足書然天下之事興廢補敝易為力人或忽之  
而不為極敝大壞難為功人或悔之而莫及為難  
於其易圖大於其細始敝而修之日新又新則不  
至於極敝大壞矣商之中興也伊陟巫咸佐起之  
周之中興也方叔召虎佐宣王修復之故商祀六  
百周歷八百皆以興廢補敝有其人也今於車君  
修學一事而重有感焉不可以為不足書也然世  
之為監司直指者惟汲汲於簿書期會法令所及  
者為急而於學校教化之務顧不遑焉車君此舉  
尤足書也杭為文獻之邦士之游於學而有志於  
天下事者其味於斯言乎脩德講學日新又新無  
或廢墜以成可久可大之德業亦若是也故因記  
以勉之若夫學之建置沿革與國家興學造士  
之制則有前人之正德十二年巡按監察御史宋  
碑刻在茲不復贅



廷佐檄知府留志淑遷仁和縣學石經于戟門外  
兩偏道統十三贊于尊經閣下大學士丹徒楊一

清為記監察御史朝郡宋君廷佐奉命按治浙江

視之多斥棄瓦礫中曰噫嘻此南宋太學中故物

也胡傾斥至是哉乃進杭州府知府晉江留君志

淑問其故留君稽閣誌籍蓋宋高宗初渡江都臨

安即詔建學養士紹興二年手書易書詩春秋論

孟中庸儒行諸篇刻石于學京兆尹趙播老建尊

經閣以儲之二十四年復製宜聖泊會以下七

十二賢贊并李伯岩舊所繪像皆刻石置之學埋

宗紹定五年又以所製伏羲以來道統贊刻之附

諸石經之末宋亡學廢元西僧楊璉真伽謀運致

諸石為寺塔址賴庶訪經歷申屠致遠之力而止

然亦僅存其半矣後改學為西湖書院諸殘碑實

在焉國朝洪武十二年即書院建仁和學官德二

年巡按御史海虞吳公訥慨石經殘缺屬知府盧

王潤搜集之得全刻及毀者若干分展其相天

順三年改建縣學於今所其諸石悉徙以從四十

年下茲宋君曰歲久而廢物理固然惟茲盛典廢

莫之興則有由矣豈不以學官專崇於罷泚茲土

者朔望廟謁春秋釋奠亦惟知有郡學縣雖有學

槩莫之至焉知所謂石經者而葺之乃檄府命移

置諸石於府學焉屬留君理其事又命通判咸寧

喬遷董工役因徙圖像於尊經閣下甃以甃甃石

經及表忠觀諸碑則徙於櫺星門北之兩偏周廊

覆之既甃既堅其屋之數左二十有二楹右如之

石之數圖像十有五贊八易二書七詩十春秋四

十有八論孟中庸十有九表忠觀諸碑十有四既

訖工留君具書肅使者謁予記慨惟經書之在世

猶日麗天水行地不假形器而存與天地同悠久

乾州府志

卷之四十一

古一十八

夏英刊



埋宗之嗣統無足齒錄然能表章先賢崇正學變  
 士習功不可少觀其所以圖不朽者而其所存可  
 知已古書家李斯鍾繇雖畔道君子猶取其長歐  
 虞以降殘碑裂石至一宮觀一浮屠之微世寶之  
 如金玉矧茲文教所關非崇長異端游心末技者  
 比是固可重爾高宗之書精麗有法置之名家中  
 亦烏可棄哉抑又聞長安古石刻尚多散漫不一  
 往往為都民鑿鑿以至磨滅宋韓維修霸橋督工  
 急民磨碑石以供之經此二厄存者遂鮮後直移  
 至西安郡摩保全至今大寺塔之厄畧同霸橋而  
 郡學之遷其設心行事正相類雖物之興廢有數  
 然振厲修改每存乎其人必有儒者之心而後能  
 及此其他非惟不肯為亦固有不暇為者矣宋君  
 讀書好古其所猷為務關風教爾君志是以承上  
 才足以濟心而任勞干下又有通判喬君故一指  
 畫之問而百年之廢墜以集是固可書而謂後之  
 人有復不能嗣守而保厥成者則非今  
 日之所知矣正德十二年秋七月  
 是年提學  
 副使劉瑞悼學無藏書請廷佐以刑金購求諸書

續藏尊經閣命訓導專領之自為記

杭會郡也華

學無藏書頌于廷者惟經惟四書惟性理惟孝順  
 五倫官所置僅漢宋諸史瑞董學又明年請于按  
 浙監察御史宋公公慨然曰吾方石經是葺斯舉  
 也盍金圖之夫有書而不讀君子病焉况無書乎  
 於是出刑金貯于府者遣訓導林鳳鳴劉銛往求  
 焉越四月書至約計萬卷經史子集秩然畧備續  
 藏于閣命一訓導專領之師生誦觀籍其出納惟  
 謹其名數備之石皆公命也既成瑞進師生告之  
 曰子知監察公之厚庠校者至且遠乎古之君子  
 道足以表世則物而功化之盛極於康海宇涵蠢  
 動參天兩地莫之尚也未有不學而成者吾夫子  
 設教故曰博約曰多聞見曰前言往行畜其德從  
 可知矣季路謂何必讀書直以佞斥之於戲讀書  
 者學知始終也讀天下之書斯可與論天下之事  
 矣此監察公藏書之意也公嗣名卿家學持憲俶  
 俶博聞好古藻翰瓌璋非世俗吏可能故舉措屢  
 于風教若是爾師生其遇哉有言者曰求道者五  
 經四書足矣奚以多為多言者道之害也嗟乎此



非知道者信斯言也... 止春秋所宜削吾夫子不然豈獨無意也... 時五行也諸子集者萬彙也... 而不宰於物者也四時五行經緯乎天而不容已... 動者各聲聲色色於覆轉雖或反戾恣睢以逞天... 亦莫之絕也其諸子集之謂乎簡之裁之神而明... 之存乎其人耳故曰為天地立心持是心以讀天... 下之書無難矣讀書之要子朱子告其君者具在... 爾師生其從事然知府留侯志淑以記請書之使後之求公者有考也

學聖經一章於明倫堂座後門上志淑命工刻之

嘉靖四年巡撫應天右都御史廬陵陳鳳梧製道

統十五贊 伏羲於維聖人繼天立極仰觀俯察

務萬古文明 神農聖王繼作與天合德始嘗百

無極 黃帝帝德通變神化宜民垂裳而治上乾

下坤井野分州迎日推策百度惟熙萬世作則

帝堯欽明揖遜德協萬邦巍乎成功煥乎文章天

地之夫日月之光允執厥中道冠百王 帝舜重

華協帝授受于唐惟精惟一濬哲文明兩階干羽

九韶鳳凰恭巳南面萬世綱常 禹王文命四敷

三聖一心有典有則克儉克勤成功不伐善言則

拜九州攸同萬世永賴 湯王勇智天錫聖敬日

躋建中于民萬邦惟懷顧諟明命肇修人紀垂裕

後昆道統斯啓 文王天德之純於穆不已肅肅

雍雍緝熙敬止後天八卦昭如日星大哉彖繫式

開太平 武王不顯文謨丕承武烈偃武修文天

下大說丹書之受洪範之咨百王遺緒一代丕基

上承文武下啓孔顏功在萬世位參兩間 孔子

道冠古今德配天地刪述六經垂憲萬世統承義

皇源啓洙泗報德報功百王崇祀 顏子天稟純

粹一元之春精全矣王和風慶雲博文約禮超入

聖門百王治法萬世歸仁 曾子守約而博學恕

以忠聖門之傳獨得其宗 貫之肯三省之功格



致誠正萬世所崇○子思精一之傳誠明之學聖  
門嫡派斯道有托發育洋洋為飛魚躍慎獨之訓  
示我先先覺○孟子哲人既萎亞聖斯作距詖闢邪  
正論諤諤堯舜之性仁義之學烈日秋霜泰山喬  
岳○按鳳梧巡撫直隸帶理浙西糧儲八年  
故以所製贊立石于所部諸郡學校中

詔建

敬一亭貯

御製

敬一箴宋儒程頤視聽言動四箴註范浚心箴註時

未建止勒石附尊經閣下九年始奉

制易大成殿曰先師廟建啓聖祠正聖賢祀典十年

勒

御製正孔子祀典說暨申說

聖諭于石樹戟門左右御製箴及諸箴註 御製

校皆同故此處與屬縣學俱不備載十五年左右布政使任忠以展謁

時諸司輿從直廟門行非禮出官帑二百餘金購

民居地闢為便道今稱新路二十二年按察僉事

劉望之書大魁字于石樹于泮宮坊西直之南知

府陳仕賢亭覆之四十五年提學副使屠羲英始

建

敬一亭于廟後移寘

御製諸箴石于中萬曆二年提學副使滕伯輪改三



致誠正萬世所崇○子思精一之傳誠明之學聖門嫡派斯道有托發育洋洋為飛魚躍慎獨之訓示我先覺○孟子哲人既萎亞聖斯作距詖闢邪正論諤諤堯舜之性仁義之學烈日秋霜泰山喬岳○按鳳梧巡撫南隸帶理浙西糧儲故以所製贊立石于所部諸郡學校中八年

詔建

敬一亭貯

御製

敬一箴宋儒程頤視聽言動四箴註范浚心箴註時

未建止勒石附尊經閣下九年始奉

制易大成殿曰先師廟建啓聖祠正聖賢祀典十年

勒

御製正孔子祀典說暨申說

聖諭于石樹戟門左右御製箴及諸箴註 御製

校皆同故此處與屬縣學俱不備載十五年左右布政使任忠以展謁

時諸司輿從直廟門行非禮出官帑二百餘金購

民居地闢為便道今稱新路二十二年按察僉事

劉望之書大魁字于石樹于泮宮坊西直之南知

府陳仕賢亭覆之四十五年提學副使屠羲英始

建

敬一亭于廟後移寘

御製諸箴石于中萬曆二年提學副使滕伯輪改三



司廳為名宦祠三年教授陳文吳改土神昌文侯  
 祠于義路之左以祠舊在戟門東僻陋故也是年  
 學西偏民居火延文明樓府縣師生候廳俱燬郡  
 守吳自新請于撫按藩臬諸司重建稍撤民居而  
 遠之規制更為宏麗余為記浙省為東南一大都會聲名文物甲天下  
 杭郡則首善地也郡學居城西隅風氣凝聚代鍾  
 偉人文明樓開時震方實多士萃止進趨之所乙  
 亥燬於火郡守吳公謀作新之請於撫臺謝公按  
 臺吳公藩臬長左使王公右使張公憲使蒙公左  
 叅政朱公先後督學使者滕公喬公分巡僉憲王  
 公咸報可公乃出罰金若干緩鳩工庀材以繕其  
 事閱月而訖工弘敞鉅麗倍於舊貫於是教授陳  
 君文吳承公之命請予請記夫國家羣士於學宮  
 有大成殿以崇先師矣有尊經閣以藏文籍矣有  
 明倫堂及諸齋舍以備禮容陳禮器時講肄矣乃

茲樓之建不近彌文哉嗟乎茲固所以文明之也  
 夫文非藻飾明非炫耀之謂也根于性命被于尋  
 倫發揮于簡策而宣洩于聲容度數間聖王所以  
 藻繪人情潤色洪業經緯天地者非文弗明也斯  
 豈易言哉父子篤兄弟睦夫婦諧斯文明著於家  
 矣少長以齒尊年敬老斯文明著於鄉矣君義臣  
 忠斯文明萃於國矣守備太和萬物咸若天苞見  
 地符出祥麟威鳳遊於郊斯文明被於天下矣  
 此文明之實也若乃鳴金戛玉左轍右珽肩負俎  
 豆手持絲簧以濟濟於列序者曰身之文吟詞辨  
 口繪句絺章管龍虎之文競風雲之奇者曰言之  
 文其于文明之義遠矣哉易曰見龍在田天下文  
 明而究其實曰庸言之信庸行之謹夫庸言庸行  
 常德也謹信易事也立聲中金石行中肆夏者哉  
 乃天下之文實由之則古人之文可知矣抗郡邑  
 士多駢詞麗葩矜容觀盛車服以相華重而於實  
 際多缺司教化者憂之諄諄以故本崇朴布諸令  
 甲而茲復揭文明之義以名樓蓋望之以根心之  
 文也士登斯樓也其尚砥節於言行而實於身心  
 沃膏於性命盡屏澆習追還古節而勿徒詞章言



司廳為名宦祠三年教授陳文吳改土神昌文侯祠于義路之左以祠舊在戟門東僻陋故也是年

學西偏民居火延文明樓府縣師生候廳俱燬郡守吳自新請于撫按藩臬諸司重建稍撤民居而

遠之規制更為宏麗余為記浙省為東南一大都會聲名文物甲天下

杭郡則首善地也郡學居城西隅風氣凝聚代鍾

偉人文明樓興時震方實多士萃止進趨之所乙亥燬於火郡守吳公謀作新之請於撫臺謝公按

臺吳公藩臬長左使王公右使張公憲使蒙公左參政朱公先後督學使者滕公喬公分巡僉憲王

公咸報可公乃出罰金若干緩鳩工庀材以繕其事閱月而訖工弘敞鉅麗倍於舊貫於是教授陳

君文吳承公之命請予請記夫國家羣士於學宮有大成殿以崇先師矣有尊經閣以藏文籍矣有

明倫堂及諸齋舍以備禮容陳禮器時講肄矣乃茲樓之建不近彌文哉嗟乎茲固所以文明之也

夫文非藻飾明非炫耀之謂也根于性命被于彝倫發揮于簡策而宣洩于聲容度數間聖王所以

藻繪入情潤色洪業經緯天地者非文弗明也斯豈易言哉父子篤兄弟睦夫婦諧斯文明著於家

矣少長以齒尊年敬老斯文明著於鄉矣君義臣忠斯文明萃於國矣守備太和萬物咸若天苞見

地符出祥麟威鳳遊於郊圻斯文明被於天下矣此文明之實也若乃鳴金戛玉左轍右珽肩負俎

豆手持絲簧以濟濟於列序者曰身之文吟詞辨口繪句絺章管龍虎之文競風雲之奇者曰言之

文其于文明之義遠矣哉易曰見龍在田天下文明而究其實曰庸言之信庸行之謹夫庸言庸行

常德也謹信易事也立聲中金石行中肆夏者哉乃天下之文實由之興古人之文可知矣抗郡邑

士多駢詞艷葩矜容觀盛車服以相華重而於實際多缺司教化者憂之諄諄以故本崇朴布諸令

甲而茲復揭文明之義以名樓蓋望之以根心之文也士登斯樓也其尚砥節於言行而實於身心沃膏於性命盡屏澆習追還古政而勿徒詞章言



貌開哉雖然教化在上而廢興由人即以是樓之  
 建置言之方其建於火也荒其廢址在砂磔類莽  
 中往予過此輒三嘆而去不數闕月而輪奐聿新  
 葺華彪映澤壁片宮隱有喜氣泮沼敷華蒼檜生  
 色士之歌於斯誦於斯者舉欣欣曰昔之類莽砂  
 磔者人也今之開新煥爛者人也然則教化之興  
 廢在人視茲樓又可知矣吳公建康賢士以儒雅  
 飾吏治其身先多士然蔚然當不在茲樓也若  
 徒以文明命樓而司教化者無吳公等比焉即謂  
 是役之建為其文亦可也謝公名鵬舉蒲圻人吳  
 公名從憲晉江人王公名應顯漳浦人張公名任  
 嘉定人蒙公名詔南海人朱公名炳如衡陽人滕  
 公名伯輪建寧人喬公名因阜耀州人王公名謙  
 賴川人吳公名自新江寧人工始於萬曆三年十  
 月成於六年始立前教授蔡銳去思碑余為記先  
 名銳金陵人嘉靖壬戌來主杭郡教事越四年遷  
 襄府紀善以去去之日士多裹糧相從有至數百  
 里之外者前此所未聞也先生之始教也屬庶隅  
 端軌範躬潔白之行顯無欲之意士無視踈踈

儼然臨之非公事不具衣冠無敢登其門者人情  
 喜便安而憚拘檢初甚訝之已而疑者半信者半  
 蓋至於期月其徒翕然尊信之曰蔡先生古君子  
 也先生之道不言而躬行故其在官人信之既去  
 人思之如此門人張璠注東陽殷應龍俞伯臣吳  
 蒙朱履等僉謀立石紀德以永思祈余為之記往  
 余視學滇粵間思得一二儒碩以奉揚聖謨匡  
 輔不逮旁皇四顧邈焉無入何者義利之學不明  
 而取舍之途靡定也夫既不明於義利之學則必  
 無飭躬自愛之心無飭躬自愛之心則必有苟且  
 自恕之行士多視師長如國人而不肯親甚者如  
 寇讐而不欲見此豈皆弟子之咎哉苟有辨義利  
 之學者則必有矜然不污之操有卓爾不羣之行  
 而其造士之功亦必褻然可紀焉故不求聞而人  
 聞之不求信而人信之此先生既去而人猶思慕  
 之不忘也學絕道衰廉耻日喪風俗日漓民生日  
 蹙此其端始於學校而其責在於師儒嗚呼當人  
 心陷溺之時有重義斥利如先生者豈所謂豪傑  
 之士無待待而與者歟方今文運盛於東南誠得先  
 生數輩廟翼之而又與聞乎心性之說則所以興



起斯文者知不在於口耳聞見之儻矣諸士不能忘先生之去也其在斯乎詩曰有斐君子終不可之謂也今學制中為先師廟前露臺環以石闌左

右兩廡前戟門門外二翼亭中為泮池跨以石梁

旁列石經覆以長廊前石柱櫺星門門之外東為

義路西為禮門左右列科目題名闕路碑亭亭北

為杏壇中為神道樹綽棧題曰泮宮前直南之西

為魁亭路折而東為三司府縣師生諸廳外為文

明樓廟之正門也廟東北為啓聖公祠西為神厨

敬一亭在廟之後祠南為神器庫為肅雍廳為齋宿

一所為名宦祠又南為應魁樓為昌文侯土神祠廟

之西為宰牲所西北為鄉賢祠號舍閣之前為明

倫堂翼以四齋東曰體仁曰利物西曰嘉會曰貞

固東齋之上為書籍樂器庫學門三教授廡宇暨

訓導廡宇三金在大門之內訓導廡宇一在二門

之內



內歷杭州府志卷之四十一

萬曆杭州府志卷之四十一

學校中

仁和錢塘海寧  
富陽四縣學

仁和縣儒學宋時附臨安府學紹興三年縣令孫延直始建廟於縣治東觀橋之北嘉定五年令姚師虎始建學於廟左八年令趙希言創齋四嘉熙四年尹趙與權遷縣簿之廨以廣其基淳祐九年令李從重建廟學元因之至元中教諭余志賢改建至正間燬

國朝洪武三年知縣徐珪重建仍闢射圃建觀德亭十一年教諭沈尊訓導上墊瞿佑病廟學卑隘因



元遺西湖書院言之郡守改建院在前洋街故宋太學堂舊名彞訓易之曰明倫天順三年巡按御

史閻鵠等以其逼近臬司請以廟學舊材徙建府學之右本貢院舊基稍易為新南京吏部尚書蕭

山魏驥為記畧曰巡按浙江監察御史古灤閻鵠

連其司之囹圄嘆曰此豈可為崇禎廟肅弦誦之所乎乃謀之浙江左布政使梁榮按察使曾蒙簡

等咸以為然於是相地得舊貢院之址高亢為宜言於朝乃擇日始事委布政司檢校駱義監督

杭州知府胡濬往來經營之其材則本諸舊而易以新者半禮殿五間兩齋三十間前蔽戟門外列

櫺星明倫堂五間兩齋一十間下至倉庫庖湏之類凡學所宜有者無不備其費出於公而財不傷

工出於傭而民不擾化卑隘為弘敞肇於天順已卯年之夏六月訖工於是年之十月既落成

諭畢昇謂不可無述以示來者請記于余夫學校實風化賢才攸繫故歷代重之至我朝崇重之意視前代有加誠千載一時也然學既新矣為士

子者處茲閎耀之地不可徒資之以為觀美亦當一新其志去凡近進高明毋專事虛文以圖利祿而亡厥重要一以古之名臣賢相自期應時需展所蘊上不負朝廷崇重之意下不負諸臣作興之美而後可不然猶凡民耳云云成化十七年巡臺藩臬諸司以廟學就圯令郡同知李臬

脩葺大理卿夏時正為記正德十三年郡守留志淑嘉靖四年知縣李義壯繼脩御史粘燦為記二十四年知縣程良重立科第題名石于明倫堂西北隅南京兵部郎中邑人張洽為記仁和縣儒學領薦之士甚盛典也歲文文刻剝蝕漫無所考嘉靖二十二年適河分文谷孔公督學兩浙慨然以



古道造士士類莫不砥礪興起時樂平程侯適泣  
 茲邑思舉廢墜合斯碑之遂湮將來漸無所紀乃  
 與司訓芮君搜訪闕畧載置文石垂之永久屬予  
 紀成事予忝鄉邑後進菲薄無文承諸君不鄙迺  
 借言曰於戲科目之設久矣自隋唐以迄於今上  
 下無慮數百年其所登拜即古選俊造進之士固  
 賢科也名而書之宜哉方今中外諸司庶府百執  
 事以迺公孤職任不同咸由斯薦始士之得與於  
 是者亦云幸矣而其名遂因以不朽是豈徒尚尊  
 顯後榮稱哉彼其窮經飭行日夕相與講究琢磨  
 者固以的然有在究所建立即其所學業者耳是  
 故其大者贊襄輔理為時阿衡其次政事文章能  
 自顯於當時雖功業畧殊要之不負所學則可矣  
 茲所錄先達姓氏歷歷可指以今觀之某也頌德  
 某也立政某也問學彰彰為後式程其或否者今  
 且耻之然則後之視今亦若是矣是舉也豈徒集  
 錄其人其有關於風教顧不大哉起自洪武已酉  
 科至嘉靖癸卯科共百三十四人虛其左方以俟  
 後之

嚴寬為請巡臺諸司鼎新之監察御史錢塘童漢

臣為記萬曆元年知府涂淵知縣張譽重建明倫

堂南京右通政邑人馬三才為記仁和縣學宮創建於城西北天

順初始徙郡學右地即貢院舊址而明倫堂在先

師廟北蓋垂百二十年於茲矣嘉靖丙寅堂蠹所

司繕飾甫竣棟旋覆焉數載間三葺而三覆噫

亦異甚矣是果視工弗恪墮乃績耶抑制宜通變

而將有所待也維時郡伯南昌涂公淵右文貞教

銳然允師生之請而邑侯新建張君譽泣政伊始

睹而嘆曰表率之地敷教之堂顧使頽然若是耶  
 鳩傭慮督興事孔亟而學諭孔君汝興學訓楊君  
 養和謂士方濟濟舊堂稍隘不便卒業侯曰俞哉  
 爰基視乎舊制拓於前堂始三間益而五馬左右  
 仍各一楹以備祭器經史規度廓然弘矣費倍而  
 民不言歛加役而民不言勞備哉猶歟蓋賢序之  
 大觀也賢之淫典也是役也邑丞陳君善董其事  
 學訓喻君楫觀厥成而始請則金生鏞宋生名儒



王生伸也工始於  
 癸酉春三月張侯  
 仁和輿圖首邑  
 生·聖化漸厚勳  
 元御宇當賓士之  
 際斯時登斯堂所以  
 會其容已乎夫明倫  
 堂則所貴於士豈徒然  
 之所以待聘也錫華者  
 之所以待用也文藻者  
 有懿聞退多芳知生飲  
 蓋一祖宗建學深意而  
 誠爾無負者設或以明  
 其備賢知則又多虛談  
 理之問不惟上負一國  
 而成終者哉嗟夫菁莪  
 模廢是又在師儒者加  
 日惟負茲堂名是懼是  
 故記之以告二三子  
 四

年知縣梁鵬重脩廟宇  
 改建學門余為記  
 仁和建學先諸

邑其創構為歲至久往  
 萬曆癸酉新建張侯譽  
 始規恢明倫堂而益新  
 士論於是益賢張侯云  
 已而侯以內召去繼之  
 者為南海梁侯侯雅素  
 佳士敬讓崇儒甫視事  
 卽加意學校月凡數至  
 延見諸生必降色優禮  
 之每遇月試輒捐俸入  
 以豐厨供士皆感悅以  
 為前此所未嘗見侯襟  
 宇冲粹雅不欲以俗吏  
 自命念仁和雖素號劇  
 邑吾獨得以儒道鎮之  
 益務右文興學為諸邑  
 倡顧學之輪奐甫就藻  
 飾而宮墻湫隘未稱又  
 西偏公署蔓棄草莽間  
 未加葺治其已葺治者  
 如戟門內東西翼亭旋  
 就剝落卽明倫堂西棟  
 有敗者侯乃鳩工飭材  
 推廣前緒大啓門闔宏  
 肆爽闔而額其上曰學  
 先諸邑增築崇墉延袤  
 數百武雜植松檜數百  
 株大成殿後開二角門  
 七之登拜者於此取道  
 其翼亭戟門東西廡殿  
 廊龕登築堅厚門楹則  
 施髹亞或流丹焉易明  
 倫堂西棟敗者承以巨  
 材後堂寢室咸加藻潤  
 視舊增美西偏公署為  
 堂三楹居室五楹齋厨  
 漏室皆具學門對西城  
 雉堞門以內舊為輿臺  
 所盤據侯盡撤其廬而  
 空之林木森列天衢蕩  
 然始稱都城學宮矣



自經始茲役迄於落成皆侯躬親董理凡費金錢二百千侯悉捐俸入不以煩民人謂侯建學之心與張侯同而其難實過之云襄厥成者為學諭吉水王君燾學訓新建諭君揖先以陞任行維茲學諭大田陳君成安暨學訓安福萬君如灝上杭何君文甲相繼至僉嘉懿舉欲勒石以詔來士乃謀於諸生楊子兆坊童子文卿金子湯孫子九臯來徵予言予惟仁和建學舊矣向者比歲再圯今則比歲再新然則廢興固不在人哉世之為今者詎不謂能類多以簿書期會自結於上其視學宮與廢至或等之郵傳甚則淮莽而荆蕞焉夫吏職百司務首學校日惟簿書程吏治而不圖蕞莽蕪學官即政平訟理何以命曰儒吏哉侯嶺海上上出宰劇邑能以文雅飾吏理至腹已以宅諸生多士向風彬彬益盛所以董德而向化者良有自哉傳曰夫惟大雅卓爾不羣梁侯其近之矣侯廣東順德人萬曆甲戌進士今學制廟居學之前中為先師廟東西兩廡前為戟門兩翼為

敬一亭及

御製亭廟之東北為啓聖祠學居廟之

後其中為明倫堂東西二齋曰正心曰誠意堂之後為教諭解宇訓導解宇一在堂之右一在廟之

西南土地祠倉廩在堂之東偏饌堂庖湏俱在廟西

錢塘縣儒學宋附臨安府學紹興間始建廟於長生

老人橋西嘉熙四年府尹趙與權拓大其址葺廟

建學潼川吳泳為記

學曰我藝祖皇帝汛掃區夏挈錢塘輿地歸職方列聖相

承陶以詩書風禮義而賢良方正之士興焉然學猶未暇建也慶曆以來詔天下郡縣皆立學兩浙路獨杭與蘇越得置郡博士增弟子員如縣無校官則命令佐土學事然附郭之邑猶未置也六



龍駐蹕戎事繞志崇禮考文內與太學外設庠序  
 太抵皆視開封明錢塘至紹興間令昉建夫子廟  
 簡肅李公祚職心正朔款謁春秋奠祀則有其地  
 矣而鬻宇尚闕無以為屬民讀法涖士校比之所  
 頃趙侯與權來力京兆喟然作曰臨安赤縣二先  
 忠憲宰仁和已其其一豈斯邑亦有社有民而不  
 知教耶迺用相茶諏日庀徒於縣之東得丞舊寺  
 遂建學其上命宗與杰鞏耕及簿正王夢得相其  
 役越三年有成富雍雍在左廟肅肅在右廷殖殖  
 在中門臯如也殿遂如也明倫堂曠如也池䟽為  
 二齋列為六宿直之廬公養之廩靡不嚴備像設  
 禮器稍不應圖法則又倣京校取正焉士於是可  
 以藏脩游息已足是役也簿正寔始終  
 之則貽書潼川吳沐願有述云云  
 元至正十二  
 年燬於兵

國朝洪武三年知縣邵復亨以舊學湫隘購地佑聖  
 觀之西其地舊有奉老氏堂一十二楹間頗高敞

遂改以建學訓導楊明實贊成之九年分巡浙西  
 僉事潘繼祖以其簡陋不稱崇祀命知縣王益德  
 改建殿學門廡庖漏諸制畧具宣德間重建正統  
 初增建生徒號舍景泰五年按察使陳璇率諸寮  
 案協修廟學易櫺星門以石柱重置殿廡神位璇  
 自為記又南京吏部尚書蕭山魏驥為記畧曰自

樂之官設而學校之制興降及後世在在弦誦之  
 地有學必有廟焉故廟以奉先師學以育賢才苟  
 有學而無奉先師之所是忘其本有廟而無學則  
 於何所以羣眾士申先師之教以育賢才也出是  
 廟學金立而不偏其所出來遠矣欽惟 聖明聖  
 聖相承崇重學校既責郡縣以提調之而又命憲  
 司以綱紀之其良法美意視古為益盛故為所司  
 者罔不遵承 上意於凡學校遇有未備必謹於



修飾思以盡其所責之大馬杭州府錢塘縣於按  
 察司甚為密邇而廟學創自前代其殿廡堂齋率  
 由風摧雨震弗稱其瞻一日按察使鳳陽陳公璇  
 過之嘆曰是邑廟學之廢如斯且在吾目之所親  
 睹吾其可視之而不顧哉歸與同寅若副使寶應  
 王公鏜南昌羅公彥譽永豐高公安莆田王公譽山  
 公受臨武廬公彥譽永豐高公安莆田王公譽山  
 陽馮公節新安馮公靖議僉曰是吾輩責也復詢  
 之郡邑士民皆無異議乃首督郡縣以修飾為事  
 而諸公皆協心力以為之助焉肇工於景泰三年  
 二月成於又明弘治三年按察使于大節提學副  
 年七月云云

使吳伯通協命修葺學宮因立科第題名石翰林

脩撰邑人李旻為記錢塘之有學舊矣洪武庚戌

道建功於時史有載焉四方之人往往能稱論之  
 遊於學者乃或惜不知其氏名不有紀而傳以示  
 後固缺典也按察使于公守正提學憲副吳公原  
 明來觀於學見學宮蕪陋敝壞命修治焉於是講

讀有齋從祀有燕廟堂始有覽石凡廟學之所  
 有而未備者次第備矣學之師生礱石當書其事  
 于公聞而止之曰春秋修泮宮不書於經此何足  
 書耶茲學以科第題名者不為乏大而氏不傳久  
 則泯沒無聞况乎表前修以勵後學學政之所當  
 然也石其用於是乎師生來述公之言予曰此美  
 事也不可以不承乃訪求洪武以來科第鄉試二  
 錄得第進士者如干人領鄉書者如干人弁其歷  
 仕所至書之所不能詳者缺之題名於石以俟於  
 後人嗚呼是皆錄於有司見用於時而得者耳  
 君子疾沒世而名不稱焉非為名而為學也魏無  
 可以為名也實之充名斯傳矣善名傳之不善之  
 名靳之不可得也蓋嘗觀於前人之行道建功於  
 時與名之存而可媿者吾黨之士寧無是非取舍  
 於其間乎願相與勉諸是舉也憲副楊公惟高高  
 公宗選林公用淵僉事雷公元方伍公宗成張公  
 習之曹公世傑余公世珍王公廷光陰公宗孟周  
 公繼先郡太守張公朝用皆區畫財力以相於成  
 未幾于公致仕去揚公遷為使復為葺治饌堂齋  
 厨而始終其事焉憲副文公天爵僉事陳公良顯



至未久亦皆從而底於落成雖然有司之避事者往往視學校以為不急之務公乃能協力於此可謂為政而知端本澄源者矣予記題名而併及嘉修治之畧意後之人將因事而有考也是為記

靖三十年知府孫孟四十二年提學副使屠義英

繼飾廟學萬曆二年先師廟壞訓導黃金粲潘桂

芳白於提學副使滕伯輪并啓聖祠明倫堂皆一

新之余為記錢塘縣學在省城東隅形勝獨奇風氣攸聚代有偉人景泰三年浙江按

察使陳公璇親廟學并傾大加繕治閱三載工成事見公自為記及蕭山魏文靖公記中嗣後嘉靖

三十年杭守孫公孟四十二年督學憲副屠公義

英再修飾之比及十年尋復就圯萬曆二年四月

先師廟春為風雨所壞司訓黃君金祭謀於同官

潘君桂芳曰先師神位所在守者能安視耶各捐

貲葺之然殿堂齋舍庖廩諸多蕪穢二君具狀白

督學憲副滕公公曰修學校育賢材予責也即

白於當道但從公請先是修建之役專董於縣

而教官皆不與聞是以選材不精督匠不力費恒

十倍工復不堅公悉其弊乃檄二君與邑丞曾以

孝兼督之又以材料不充價不時給則民多重困

而工用難集於是斂材給值先時皆具人樂於趨

役計日而成不愆於素費半往者而工實倍之經

始先師廟次兩廡次敬一亭次五箴亭次南戟門

又南櫺星門門之南新樹石欄東西凡若干丈廟

徐定



世運不常痼疾在身饑渴之需飲食者此學舍鼎  
 新之命不容或緩也多士夙聞公教而又敬業於  
 學不有慨然以聖人爲必可師者乎夫立教不外  
 明倫聖學莫先王敬自敬敷五教之說虞廷倡之  
 而萬世教人者宗焉是以三綱正九疇敘庠序成  
 風里閭向化何則教養之道素豫而聖學大明故  
 也近世司教秉鐸之士未有以聖學望天下者乃  
 公則首發之且倦倦以戒謹恐懼爲言正唐虞競  
 業之遺旨也諸士服習有素敬奉師門之教於此  
 出王於此游衍始無愧于黌宮弗戾聖人之教以  
 仰成滕公興學造士之盛心而二三師儒締構之  
 勞亦非無補矣傳曰豪傑之士雖無文王猶興公  
 日對多士啓迪指示固有惕然興起者顧瞻廟學  
 煥然一新篤志力行豈無以豪傑自待者哉夫力  
 學校樹規模此在上之責耳自成自立自證自悟  
 又在上耶辟之易田疇既勤數畝蓄陳其疆設矣若  
 夫芟稂莠驅螟螣培植嘉穀以登於粒食斯爾多  
 士之責多士欲無忘滕公之德蓋於是圖之滕公  
 名伯輪福建甌寧人學政今學制廟在學之前  
 諸藩學者仰之如山斗云

中爲先師廟左右兩廡前爲戟門西翼爲

敬一亭 御製亭啓聖祠在明倫堂之西學在廟之

後前爲明倫堂翼以二齋曰進德曰脩業庖福在

堂之東倉庾神庫在廟之西教諭廨宇在明倫堂

後訓導廨宇一在明倫堂之西南一在明倫堂東

土地廟在先師廟東北

海寧縣儒學舊在縣治之東南半里後遷於縣西當

宋南渡金人蹂踐之餘邦人毀撤其材作州署而

學以廢紹興五年令刁靡撤老氏葆真宮材重建

於縣治東南故學基晉陵胡瑛爲記

畧曰杭爲東南都會水陸



物產之饒甲天下阻山帶江人物間出而鹽官邑其窮處地並海民逐臭鹽為生列肆負販冠帶之俗微矣自國家承平百七十年間士而仕於朝纔一二二人何其鮮也儒者張先生九成者郡人遭亂避地實始來居而以其徒講學焉未幾類試有司居第一進士廷中又居第一而其徒輒第二邑人驚嘆得丹陽刁靡令鹽官為治尚簡靖察奸不苛獄訟為衰息民既信化思所以作興善其俗者召父老庭下令之曰張先生亦人耳一旦及其徒俱成名赫然豈他道哉稽古之力矧是邑古不無人褚無量苗裔至今大家而睢陽太守許遠廟食固在曾謂我宋無一人起邑中竊為父老不取且天子以萬戶黔首屬之今固求有以善之苟應簿書期會催科勸課負弩矢媚鄙使者一妄胥吏任職可也四方君子將何以觀政我其鄉校是興俾若子弟得相率肄業其中不亦可乎民叩頭謝惟令君令縣故有學在縣治西虜人之退有司建官府一切釐取其材改作堂州治居焉像設風雨吏玩弗疚邑有廢老子祠號葆真宮者靡命毀之籍其材相地筮日乃七月甲戌就縣故學基以營焉諸

生勸趨更出力佐工調度不斂其民一錢頃會禮部試郡進士於是第一人張先生徒也蓋師弟子更以儒學成名顯一時三年之間磊落相望邑人益知令君不我欺而學之不可已信也十月丙午學成殿屋六楹堂四楹門四楹齋館廊廡庖福之舍咸在工既訖功消辰奉安棟宇崇崇像設巍巍幣牲羞齊籩豆秩序拜興登禮備無闕吏民觀瞻俗用丕變諸生成願刻石紀事以示來者靡條具本末書抵張先生請著於石晉陵胡理其友也張先生方以太史氏列職東觀於理為同舍郎顧而屬之

**淳熙四年令魏伯恂拓而廣之鑿泮池建**

**橋又即學東序闢堂肖像列宋三君子祠而祀之**

**程大昌為記** 奉議郎知鹽官縣魏伯恂書來曰伯

距而聽此其善意殆可引之近肆葺學宇以示之方又擇儒先之在此土而望實素孚者潔祠奉之冀其即信生慕則勸率易入也故禮部侍郎張公子韶行其學而縉紳推敬固其人矣有施德操彥



執者學有本末主孟子以排釋氏曰絕人倫漫等  
 級棄禮樂仁義不用謂能躡造空無此其勝處槩  
 之以道尚自倒易後先况又飾荒幻報應誑愚取  
 賞則尤為世蠹因著為之論以曉未悟其學若此  
 亦可謂強立不惑者已楊璇子平者安貧樂道不  
 妄取予且謹獨之操閭室猶康莊也此二人者身  
 塞而譽不宏然一邑人鄉之殆欲與侍郎張公等  
 伯恂既即縣學東序闢堂肖像列三君子而祀之  
 敬乞言以道所志也予曰大師樂合國之子弟凡  
 有道有德者使教焉死則祭之警宗夫非為此貌  
 敬也不忘其教而宗之而表之而禮之所以永其  
 儀刑也子於此舉其已古矣而尚賢立則施置又  
 可大也一鄉一國以為善士者夫既還以厲之合  
 天下以為善士者亦又於鄉國責繼焉則夫私淑  
 諸人者厚矣凡爾邑子其勉之此三君子者當  
 其游鄉校習藝業是亦此邦諸生爾見今貴重如  
 此正惟學焉而能行故其聲迹隨所遇豐狹皆可  
 聽聞大道滿天下誰不可與能亦加之意而已矣

嘉泰四年令沈紉重建廟學學之堂取舊名明倫

揭之鍾必萬為記

國朝崇尚人文詔天下郡縣立

在縣治西紹興中始徙於東偏凡五六年或葺  
 或否若傳舍然良可嘆也吳興沈君紉為縣之明  
 年特因其舊而一新之屬余為記以詔多士余竊  
 自念齒髮如許學不加進朝夕自警且不暇其何  
 以語夫人然自宦游與夫往來於此餘二十年矣  
 士之叩門者日益眾况今求田問舍欲老於海昌  
 之上則杖屨游從亦有責善之義焉故不辭嗟夫  
 自命鄉論秀之制壞而不復士病於科舉蓋非一  
 日而今之世為尤甚父兄之訓子弟朋友之相講  
 論朝夕之所從事於文辭者惟利祿之是計耳抑  
 不思上之人拳拳教養所望於爾多士者果如此  
 哉聖賢立教所望於天下後世者果何在哉昔者  
 吾夫子不過栖栖一旅人耳講道洙泗固無爵祿  
 可以動學者之心而羣弟子或自齊往或自宋往  
 或自衛往或自他國往不憚其山川之遠道路之  
 勞而所慕有甚於爵祿意者日漸月化莫非道德  
 性命之蘊必有出於言意之表及觀耳提面命則  
 皆孝弟忠信之實舉不離於日用之常然後知聖



人之所以教人學者之所以用力蓋在此而不在彼也云云堂名數更沈君取舊名明倫揭之可謂得教人之本矣學比舊氣象殊勝主其役者王學南豐曾俊

淳祐中令范慶重修寶祐二年令施瀆建歲書室元元貞二年縣陞

為州改州學大德間知州高源七年知州張珪忽

都賈鏐相繼改作之訓導陳登為記至大二年陳

登建學倉四間至正六年知州何濛重修廟學教

諭王景順構高明亭十二年教授朱鸞又修廟學

十九年邑人賈某捨廩田百畝夏泰亭為記

國朝改州為縣改縣學洪武三年知縣王忠闢射圃

七年知縣朱恪修廟學建觀射亭九年知縣黃守

政重建齋舍永樂十五年知縣盧質申重修廟學

守禦正千戶湯王實助之繪飾聖像訓導顧孟時

為記正統三年知縣伍服重修正德三年教諭朱

泰拓泮池十二年教諭侯泰請於督學副使劉瑞

建名宦鄉賢二祠太僕寺卿仁和邵銳為名宦祠

記海寧縣名宦祠成蓋用祀夫海寧所謂名宦者在宋有若王公暉才公靡陳公恕魯公鮑朱公

紳在元有若王公輔斌公夢解在我 皇明則有若方公直榻公銘德羅公能李公芳茲蓋學諭侯

君泰請諸學使劉公瑞以茲數君子者報可祠以享之於是乎始侯君日以記請銳受狀讀之作而

嘆曰公慎選哉夫後世所謂名宦者蓋不易矣必其廉足以律身勤足以將事政足以澤民教足以

善俗俾為民者存以致愛歿以致思於是血食茲土永永無斁然則任茲選者可不慎乎夫慎則精



精則確確以致巖巖以致重斯於是乎為盛矣今  
 茲數君子者祠於茲土將使為其民者肅以入焉  
 曰吾土為縣若州舊矣由漢以還吏於吾土者吾  
 不知其幾矣吾民宮室以庇之輿馬以載之餼廩  
 以贍之罔敢弗至惟茲數君子者是有遺惠於我  
 百姓我其敢忘乎嗣職茲土者肅以入焉曰由漢  
 以還吾儕吏於茲土者吾不知其幾矣而吾民所  
 以戴而奉之者宜也胡為數君子者獨克血食於  
 茲耶吾其敢弗效乎夫百姓懷之弗忍忘所以報  
 也嗣職茲土者思效焉弗敢怠所以勸也有以報  
 之則民志安有以勸之則吏治舉公茲必慎選如  
 不得已者固有有意哉固有意哉銳不佞竊敢具載  
 顛末用詔來者嗣蓋縣尹部君郊撤廢寺給事中  
 以新之者比沒躋祀其間君子以為宜

邑人許相卿為鄉賢祠記

承浙江按察副使劉公端  
 詔董學之二年檄

諸郡縣學凡前賢自其地產者以告於是海寧教  
 諭侯君泰集諸生議白可徵者如干人公甄汰更  
 定始梁太學博士戚公訖我明廣東參政祝公  
 二十人俾有司秩祀如故事知縣部侯郊遂因舊

祠增堅易壯豆登凡櫝故所有者必葺所無者今  
 初為之役竣禮成况侯照繼宰縣政侯君咨焉爰  
 來請記辭弗可則誦其所聞曰惟先王造士舍奠  
 先聖先師於學祠先賢於東序祭鄉先生於社夫  
 固昭崇報也而風厲寓焉今之鄉賢祠殆猶先王  
 之法之意耶繫我先正在唐中葉有若睢陽許公  
 以死殉義屹樹大防烈哉純臣萬夫之望乎在宋  
 叔世有若文忠張公持正施公謹獨楊公崇尚心  
 學攘斥異論逮事孔氏可與為仁矣自餘篤倫紀  
 守經術樹勲庸志高尚肯項彬彬世往論定抑亦  
 今之成人與惟是崇構嚴設風聲攸樹典刑若存  
 過者趨瞻者肅好德之衷鄙夫猶然况我學問之  
 民出入登降揖讓酬酢弦歌講肄於此其將慨然  
 嘆不可作恍然若從之游乎又將低徊而深思山  
 川靈淑往者逝矣來者謂何彼我丈夫有為若  
 是邁往以前精思力企尚友於賢得師於聖用底厥  
 大成則惟先正私淑是賴師儒風厲是承嘉靖十  
 相卿方日自勗而凡同志願亦有諗焉

年知縣胡堯時建啓聖祠尊經閣饌堂四十二年



知縣殷登瀛置學田四百九十畝以贍士監察御史邑人董鯤爲記四十四年知縣許天贈以歲久不葺浸就傾圯乃出官帑脩建凡殿堂齋舍以及門廡靡不次第改觀亦鯤爲記今學制中爲先師廟東西兩廡前戟門外櫺星門啓聖祠在廟之後神器庫神厨並在戟門外之東宰牲所在戟門外之西學在廟之東前爲明倫堂東西二齋曰尊德曰樂道庭鑿泮池跨以石梁堂之左爲名宦鄉賢二祠祠後爲土神祠堂之右爲饌堂庖湏廩在

儀堂東堂後爲

敬一亭又後爲尊經閣教諭廨在尊經閣之左訓導廨一在明倫堂東一在啓聖祠後

富陽縣儒學在治東唐武德七年建學在今學東景雲二年重脩廣明中燬於兵永泰元年今崔仕元重建宋景祐二年今陳執禮始建廟錢禴爲記紹興三年今胡某重繪聖賢像趙師烜爲記十五年今徐端輔重新之教授絢紡爲記淳熙中今麋師旦沈耜相繼重修十二年主簿葉延年重修自爲記嘉泰中今范之柔復拓其基嘉定中今程秘李彌高前後重修廟學元至正末燬於兵址爲城之



濠塹

國朝洪武元年知縣楊敬重建今處十年知縣孟斌  
 建戟門兩廡堂舍闢射圃三十年知縣吳蒙開泮  
 池構解宇教諭蔡海作文卷庫永樂三年縣丞汪  
 文立東西齋四年知縣孫觀建戟門十一年知縣  
 陶觀修建大成殿明倫堂日新齋東西廡櫺星門  
 宣德五年教諭林時望建解宇十年知縣吳堂重  
 修大成殿飾聖賢像教諭陳興建學門改學路修  
 齋舍景泰間訓導韓鳳張寬前後改建解宇弘治  
 初又移廟學於西嘉靖九年杭州府推官劉望之

建議重修諭德闈人龔用卿為記

畧曰富陽縣舊

國初至弘治初又稍移於西歷有年歲然以其地  
 臨大江之濱每洪水泛漲輒被淹沒重以風雨震  
 凌齋廡垣墻悉就傾圯門堂廟寢至不可支嘉靖  
 九年杭州府推官劉君望之見之憮然曰學校之  
 地鞠為蕪莽教化不興將何以秉虔妥靈以率先  
 多士是吾責也與教諭陳君箴謀新之申其議於  
 巡按御史李君佶復達議於提學副使江君文盛  
 二君咸曰斯吾責也於是下其議於知府婁君志  
 德命劉君經畫之議已定巡按御史王君繼禮繼  
 至議亦協遂命富陽主簿古璇督理之教諭君察  
 視之知縣方君舟責成之費公帑九百餘緡乃仍  
 其舊址而崇之高四尺移文廟於前十六丈翼以  
 兩廡樹之戟門門之左右立名宦鄉賢二祠前鑿  
 小池石梁其上又前為櫺星石門門之前賢民居  
 而闕之俯臨大江立石表於江浹扁曰仰聖興賢  
 示敬道也下櫺石級廣二丈有六長倍之有半左  
 建儒學大門進為聚英之門又進為樂育之門又  
 進為明倫堂堂之左右與賢達道二齋堂之後創



敬一亭亭之東有隙地闢為射圃亭其中曰觀德  
 東西立號房二十楹以至庫厨庖福倉舍之屬各  
 有定所繚以周垣規制大備矣越十二月冬僉事  
 林君雲同又議建啓聖公祠於文廟之後次年春  
 巡按御史張君子立適來視學以名宦鄉賢祠逼  
 戟門左右且制度狹小不稱崇禮復改建二祠於  
 明倫堂右分巡僉事焦君煜於觀德亭之前建一  
 鑑樓於方塘之上以為士子適情之所示遊息之  
 方也而綜理其事者則知縣王君惟孝有力焉工  
 始於十年八月而迄於十三年五月先後四年得  
 底成績諸君之舉可謂有功於名教誠可書矣詩  
 斯干極言作室得臨水面山之勝而是學南俯會  
 江之濼迴北枕小隱之倚伏觀山巍峩於其東鹿  
 山躡踞於其西則詩人所稱之勝兼而有之靈臺  
 之詩言文王之樂曰於論鼓鐘於樂辟雍至思齊  
 之篇推本其德則曰肆成人有德小子有造大是  
 學既成矣鼓舞作新之化非  
 司教化者之所當講乎云云  
 十三年按察僉事焦  
 煜建一鑑樓十五年建尊經閣自為樓記四十年

知縣謝中立重修廟學行人邑人周美為記隆慶

六年知縣劉汝昭建文明門刑部郎中邑人章楷

為記萬曆三年知縣李啓重修廟學亦周美為記

今學制中為先師廟東西兩廡前為戟門外為櫺

星門內為泮池神厨神器庫俱在戟門西啓聖祠

在廟之後學在廟之左前為明倫堂東西兩齋舊

曰依仁志道今日日新時習前為儀門又前為外

門名宦鄉賢二祠在明倫堂之右堂之後為

敬一亭射圃在亭之東倉廩在學東南教諭廨宇在

學西訓導廨宇一在啓聖祠後一在祠左



萬曆杭州府志卷之四十一終

萬曆杭州府志卷之四十二

學校下

餘杭臨安新城於潛昌化五縣學附郡城三學并海寧縣學射圃及九縣社

餘杭縣儒學宋初但有廟在縣之東景德三年縣令

章得一建學自為記

古之教者家有塾黨有庠術

而崇儒術厚風俗而正人倫也周秦漢魏晉宋齊梁隋唐而下旋及聖朝歷數千百年其間尊戴夫子之道者未有若唐室暨聖朝之最盛也加王者袞冕建廟郡邑春秋仲月行釋菜禮唐室之舊典也郡邑咸建講堂召通經者展函丈之儀聖朝之新制也前古未封之命唐室封之唐室未行之制聖朝行之得一景德中由廷尉授餘杭今時知府薛大諫以詞臣輟甘泉之侍從臨吳會之藩宣以為禮不可廢教所由興式嚴闕里之祠以勸互鄉之俗昔文翁之典蜀郡范甯之牧豫章皆大設學



校克立政績惟薛侯之教蔚有先賢風采儻自郡邑至於鄉黨咸能循奉薛侯之化則千里之內弦誦相聞十室之間忠信著立又何但衛多君子而魯稱善人者乎是邑也錢氏上疆聲教遐邇至太平興國中宰邑者始撤城隍神所用塑像於中庭戶喧卑几筵牢落風雨不庇藜蒿並興得一與寮采等謀改舊貫別新儒宮役公僕以輸材就鎮城而卜地未克全繕尚多闕如邑人進士上文舉服勤於茲黽勉不怠剗厠圯墁樸闕丹雘工善其事人無告勞高門有關中堂豁如齋明有室筦庫有掌有庖厨具膳羞有皂櫪安僕乘十旬之內厥功告成是役也上以尊天子之號令次以奉賢守之政化下以移一邑之風俗異時醇儒秀民蟬聯魚貫策名薦書樹勲揚烈左右神化輔贊太平庶不負明君新制賢侯異政而於斯舉為不徒然歟謹具歲月以示來者

崇寧間重修紹興五年今范仲將以狹隘徙法喜院故基淳熙六年簿范某建門設戟元初燬至元四年遂營花赤

也先帖睦爾重修儒林郎徐一清為記

國朝洪武三年知縣胡也速迭兒建廟殿於縣治東故學基四年知縣魏本初建齋舍闢射圃創庖湍縣丞韓脩爵建明倫堂九年知縣梁初撤舊齋為諸生號舍別建東西兩齋校官廨宇十年知縣王原良建廟學未完代去十六年知縣史原遠繼建兩廡戟門櫺星門及學之堂廡庖庾杭州府學教授天台徐一夔為記

杭之餘杭縣肇置於秦至宋景德中始建廟學規制卑隘紹興中以法喜院基改作之面勢稍宏敞時宋行都抗廟祀茲誦為畿邑之望涉元弗替如初其後燬於兵火會聖朝更化首詔州縣興學知縣梁初始作講誦之舍以居師弟子員至於廟宇僅



作兩廡餘未遑也而梁以代去教諭王奎訓導朱  
 義鄒濟相與言曰學必有廟此獨奈何未備會知  
 縣王原良縣丞丘子強繼至奎等首以為言皆曰  
 是禮殿何可後也踰年政敷人和乃鳩材庀工作  
 禮殿六楹崇三尋四尺廣視崇加三尋深視廣減  
 六尺有奇宏深靚與以安先師之神四配十哲以  
 次就列而廟貌一新矣既而縣令丞以秩滿去至  
 於明倫之堂習射之圃治膳之厨儲粟之庾以及  
 祭祀之庖庫作而未完今知縣史原遠縣丞蕭文  
 濬主簿武士良寔來既奠觀其未備曰是吾責也  
 豈可使前緒弗就凡未完者悉皆同心協力完之  
 肇工於洪武十六年之正月十有五日至明年十  
 一月三日而後訖工而凡學廟所宜有者無一不  
 具於是邑之典史楊得曰吾邑廟學自入 聖朝  
 經時十有餘年至是始克大備欽惟艱哉不可無  
 述以示久遠而其耆儒沈安宅來請文以記予乃  
 為之言曰古者論士於學士初入學則釋菜於先  
 師無廟也漢或有學無廟唐或有廟無學而其論  
 士亦皆不盡出於學而近世之制有學必有廟於  
 是乎論士焉且學之設所以聚人材而教育之也

若無所資於廟然世必致隆於廟者蓋吾夫子上  
 傳堯舜禹湯文武周公之道而集厥大成顏子曾  
 子子思孟子以及群弟子則皆傳其道者也今馬  
 衿佩濟濟朝斯夕斯誦其書而求其道非不欲聞  
 一而知十也然而道德之光輝不可得而親見矣  
 必有神棲聖止之地以萃其景慕之心斯足以為  
 成德遠材之助成周論士於學而士初入必釋菜  
 於先師意蓋如此初國家之興學也既因版籍而  
 定師弟子之員額設為教條限以歲月責以成效  
 亦既升舍選登仕籍彬彬然矣尋又申嚴貢舉之  
 法至於春秋釋奠肇隆於太學闕里未偏於天下  
 乃者又 勅郡縣通祀犧牲制幣以次俱升儀  
 盛視昔有加國家推大其制於學與廟其造就人  
 材之意蓋無所不至矣若夫為之師以教為之弟  
 子以學其有不惕然於斯者乎餘杭山水之邑其  
 民亦多秀而知學昔者龜山楊先生以程門高第  
 唱鳴其學於東南而我紫陽朱文公實承道統之  
 傳則先生啓之也先生蓋嘗宰邑於斯其流風善  
 政猶有存者夫以秀而知學之民而生長於先生  
 過化之地又幸而遭值國家崇儒重道之日所謂



千載一時也士寧有不自激勸而奮起者乎白今  
而後吾知餘杭之俊秀出為時用揚芳邁蔽暴白  
儒效以副 聖天子一 永樂五年知縣林源重建  
新學校之美意矣謹記

正統十二年知縣吳鑑重建饌堂教諭褚文量徙

射圃學之東天順三年知縣朱倫新廟學成化十

四年僉事錢山闢學門併拓基址弘治七年知縣

冉繼志改建明倫堂正德五年教諭林誠通建青

雲樓十三年提學副使劉瑞重修廟學巡按御史

吳華重建尊經閣嘉靖三十年教諭李鵬舉謀于

知縣周之冕遷學於法喜寺事具諸生請記狀中

狀云餘杭縣儒學新遷法喜寺寺宋元舊學址也  
洪武時邑侯魏本初以地窄徙東北隅人材漸希

堪輿家以為非長育地欲復故址以費不貲輒止  
嘉靖庚戌夏海南陸雲李公署教餘杭時進諸生  
課講發廩分俸周恤貧士人多向風義民符驗捐  
田十六畝庠生姚輝助金百二十兩置田三十畝  
資諸生之賢而貧者公知人情易感迺集諸生詔  
之遷學宜以義相高僉唯唯公遂捐俸五兩為之  
倡由是齋師暨通學諸生及由學入監者翕然從  
之始二兩至十二兩止各隨所能為為之登簿合  
七百餘金公乃依兩限法收集先得銀四百餘日  
是可聞當道矣命生員鄒釜等持銀走呈郡守環  
山孫公公大義之轉白諸司兩院咸得請遂以其  
事責成邑侯液川周公肇自辛亥九月明年壬子  
冬畢 今學制廟在學之前中為先師廟東西兩廡  
工

前為戟門外為櫺星門內為泮池啓聖祠神庫在

殿之西南神厨宰牲所在神庫西學在廟之後前

為明倫堂東西兩齋曰進德曰脩業堂後為饌堂



庖福在學之東庾廩在學之西土地祠在戟門之東教諭廨宇在學之西訓導廨宇一在廟之東一在廟東北

臨安縣儒學宋咸平三年建於縣治之西一百步後

徙縣城南紹興十六年令王傳重建尚書孫覲為

記畧曰臨安縣舊有學在於治所東南隅自三舍罷廢再更方臘之亂掃地盡矣而縣以春秋釋

菜著於令蓋嘗改寓西郭佛舍之保錦院為學帥其屬以祀孔子紹興十四年詔天下州縣皆立學

左朝請郎知縣事王侯傳相其宮湫隘敞陋上無蓋障傍無師生之廬不足以稱天子隆儒重道教

養多士之意乃議徙故地少西屋而垣之一邑之豪欲進子弟於學者相與圖之恐不及於是門闕

觀深殿寢崇邃講藝之堂棲士之舍庖福庫庖皆具又命工更塑先聖先師之像與凡從祀者十人

魏冠盛服配食循坐凜然如生涓日齋戒屬邑民之秀者陳牲幣三獻之禮禮成父老聚觀太息以

為未嘗有也乃為書抵故人孫覲曰縣新學成為我記之云云凡為屋若干楹經始於詔下之十二年

月而落成於明年九月之望 寶祐二年令王楠重修景定三年

今家之巽建師善堂元至正末廟學燬於兵

國朝洪武元年知縣袁思謙建廟殿廡及兩齋八年

知縣賈鵬程建戟門櫺星門明倫堂及射圃九年

知縣李宗本縣丞聶源相繼重修杭州府學教授

天台徐一夔為記畧曰臨安縣舊有學肇建於宋咸平初在縣之南寶祐中知縣

王楠嘗改作之至正末兵燹燬之臨安所治地在溪山間內附初為縣者加意徵輸事未遑廟學其

作禮殿作兩廡塑聖人像作齋廬居師弟子者知縣袁思謙也其作禮門作櫺星門作明倫堂附以



齋廬以備師弟子會講之所者知縣賈鵬程也至  
 於戶牖棖臬棟宇髹彤階陛瓦甍徑衢之闕庖湏  
 之置則皆縣丞聶源為之今知縣李宗本至既喜  
 其成顧瞻有弗如式撤而易之於是茲邑廟學遂  
 為九邑之冠矣余嘗考之自州縣有學為師弟子  
 講肄之地而學必有廟以祀先聖先師禮也蓋古  
 者士初入學與學官四時之祭必釋菜釋奠以為  
 禮其事不可濶也歐陽子曰釋奠有樂無尸禮之  
 畧也釋菜則併樂去之又其畧者也夫造其庭讀  
 其書誦其詩不思其所自而脩敬焉禮無是也而  
 况禮之至畧者乎臨安今佐前規後隨  
 於廟與學兼致其力其知此者矣云云

主簿張昇重建廟殿修兩廡戟門正統五年縣丞

程原慶重建明倫堂景泰二年知縣李素縣丞蕭

鳳陽重建櫺星門易以石柱天順間知縣唐子昌

修葺弘治十二年知縣王翔鳳重建大成殿正德

中知縣王正宗修葺兩廡齋號建綽楔二曰騰蛟

曰起鳳嘉靖間知縣廖瑜闢學前路建名宦鄉賢

二祠今學制中為先師廟東西兩廡前為戟門為

櫺星門啓聖祠在先師廟左偏神器庫神厨宰牲

所俱在學東鄉賢祠在戟門左名宦祠在戟門右

學在廟之後前為明倫堂為齋二曰進德曰修業

堂後為饌堂庖湏在堂之左倉庾架閣庫在堂之

西教諭廨宇在明倫堂後訓導廨宇一在櫺星門

外一在櫺星門西

新城縣儒學舊在治東南三十步唐長壽中建宋紹



興十七年令陸演重建邑人孫清為記

畧曰宋有天下垂二

百年祖宗以德澤涵養海內聖子神孫繼體續志莫不以教學為先神宗皇帝首建三舍之法頒之太學逮崇寧中徽考臨御推廣茲選行於四方爰諮郡國大興黌舍弦誦之聲於是徧寰宇矣東安舊有學制度畧具而規模狹隘不足以容衆欲闢而大之又矣中更多事一切苟簡舊令尹乃易為縣治士子慨嘆而未遑也主上中興以英武之資成戡定之功講好息兵安安宗社崇儒右文期底至治復建太學以闡化原又因邇臣之請申飭有司仍脩郡邑之學專務以德化民欲追古昔嗚呼休哉諸生鼓舞皆曰不意今日復見太平也為守令者承宣睿旨惟恐不及而吾鄉縣寮適一時俊秀悉以虔奉教條為急邑宰會稽陸公一日率其屬而謀之以謂學校不脩吾黨之咎乃共論豪右而敦勸之衆皆樂從咸願奮力遂謂吉日鳩工度材謀畫既畢浮言誤動當道遽疑乃徙公海昌以監征檄方下公趣裝以行了無溫色士民爭挽赴愬有司遮道不得前者數日已而郡將知其非罪俾還舊政及公之再來而學已成矣蓋紹興乙丑仲冬也徙門於前撤殿於中敞屋於後長廊相夾直舍相倚齋厨環列庖廩有所井竈有方輪奐之美比舊增廣而壯麗過之皆公之所素定者也邑人欣豔交相勸勉爭務就學而公與寮屬時入檢察延見諸生復謂之曰今學既成祭器未備鄉飲未行無乃為逸典乎因考禮文定簋簠方圓之象推籩豆竒耦之數若壘洗樽俎觶爵巾幕之具悉為創置陳之廟庭班班可數春秋二祀足以成禮旁近諸邑所未有也云云

乾道中令

耿秉重修紹熙五年令劉景脩重修楚州教授錢厚為記慶元間又修六年令唐大本增置學田邑人于柔為記端平間主簿謝寢生又加繕治自為

記學在萬山中跨城南出峰立於前且百丈有環竒無對高視一世意陸公演耿公秉皆賢尹也建置潤澤無餘蘊矣然左迫佛廬簷溜沮洳易壞山水之清不能為靈劉君景脩雖修之不久也余



腐甚爬搔簿書不自聊能謹庠序興禮樂哉雖然  
 賢令尹遺事也其政情弗治櫺星門直夫子殿禮  
 也舊改而西欲什矣為三門而還之學門舊由櫺  
 星門左學穿廟門非禮也為別門而西之從祀位  
 列像廊壁而存者惟二為改祀位而廣焉品其序  
 爵而象焉王安石鑿經禍國猶班從祀可乎位有  
 像而衣無章示當黜而未黜也四先生祠濂溪明  
 道伊川晦菴也漢唐經生猶登祀位四公挺出道  
 接洙泗而不班焉可乎為之祠以次群祀示當陞  
 而未陞也三賢祠故唐大都督許公遠吳越太師  
 杜公稜給事羅公隱也節義名德著於鄉閭沒祀  
 於學禮也許公睢陽之節杜公東安之守邑有廟  
 而學無祠故表而祠之羅以詩聞亦并及焉四齋  
 職事位舊在殿南兩廡間悉改而北則前殿後學  
 地別而廟尊禮也書籍庫書纔數本帙散卷失更  
 為市而藏焉又自以其書入焉祭器庫器蠹且欠  
 編竹為罇蠹可完者完焉欠宜補者補焉若夫疏  
 漬易撓增垣益甃他所纖悉昔無今有者不暇載  
 也凡錢以貫計者二千一百米以石計者三十九  
 既成合鄉之耆俊釋菜而告成焉退行鄉飲酒禮

於堂政不言教父矣吏惟治賦里不讀法借鋤而  
 德色取箕而諄語自秦以來不問也余以為降衷  
 秉彜各有常性其冥昧而不著者不過如大醉熟  
 睡不得醒耳一人喚之不醒又一人喚之醒矣謂  
 世降俗訛喚之而不醒者誣人也謂風移化改一  
 喚而遽醒者自誣也東安百年夫豈一令皆陸與  
 耿也民有不醒乎不皆陸與耿也則乍醒乍醉乍  
 覺乍寤人存政舉人遠政微何但一邑然也矧已  
 不能自醒而欲醒物吾不暇自覺而務覺人是反  
 鑑之照離形之影難與言化矣故余之於斯邑也  
 醒之屢而覺之勤矣猶懼已未能  
 自醒而自覺也又以後後之君子  
 德達重修至正末廟學盡燬於兵

國朝洪武三年知縣徐弼重建  
 按縣志所書年月如

年吳鼎遷學記以為十年今考徐弼以洪武二年  
 始任焉得元年有建學之享况弼既建於三年則  
 所謂十年建學者又不知何據  
 也徐弼通志一作徐夔未詳  
 知縣李可立繼成



之正統十一年知縣張杲教諭陳光重建明倫堂

景泰元年杲重建廟廡戟門櫺星門泮池石梁神

厨宰牲所三賢祠弘治五年知縣林著重建明倫

堂嘉靖二年教諭陳希登請新之邑民助建櫺星

門戟門書庫祭器庫三賢祠提學副使何塘為記

文廟久不修且壞有司累議修理輒以工費重大

不果正德庚辰閩鄉進士陳希登來署學教諭事

謁廟之餘顧瞻咨嗟廼申請於當道亦以工費重

大不果久而廟益大壞無所障蔽希登廼謀於同

寅及鄉大夫之賢者僉謂庠生徐均父徐旭富而

尚義希登廼具禮幣偕僚友造其居旭慨然許諾

遂鳩工措材以梁柱用木不久即朽皆易以石撤

舊殿而新之始事於嘉靖二年十一月甲申落成

於明年二月丁酉時櫺星門戟門書庫祭器庫三

賢祠亦將頽壞民人童珠請修戟門三賢祠祝昇

請修櫺星門次第落成希登乃徵文以紀成績予

惟吾夫子明人倫之道以覺天下後世報功報德

誰無是心故文廟之修希登一有倡導徐旭即響

應於前童珠祝昇繼踵於後天理之在人心蓋彰

彰乎不可泯矣然人倫之道根於天命之性而見

於日用之常孔子盡之而聖七十子脩之而賢凡

六經四書之所發明者皆是物也諸士子進謁聖

賢於廟退而誦六經四書之文其亦尚念及於此

否乎夫人倫之道盡則聖脩則賢下亦不失為善

人長者况朝廷設科取士胥由此出諸士子學問

思辨以明人倫為務脩於身行於家化於鄉黨他

日得位則以之施於邦國天下使人指而目之曰

此新城之士也能力行聖賢五年邑民助建東西

之道者也非吾黨一盛事哉

庶儒學門十七年訓導唐堯儒請於巡按御史周

汝員重遷廟學於多福院應毀地兵部員外郎錢

塘吳鼎為記

新城為杭下邑洪武十年建儒學於

縣治東偏地隘堂序不足周旋士無

越惟孝

越惟孝

越惟孝

越惟孝

越惟孝

越惟孝

越惟孝

越惟孝



弦誦之舍前臨大壑岸善崩數請調發築障無已  
 蓋百六十年於此矣嘉靖十有七年春訓導唐堯  
 儒以諸生言白於侍御吉水周公曰不佞二三小  
 子爰宅於茲不能胥誨以有聞也唯歲糜縣官庸  
 錢與水爭尺寸地兢兢日虞顛覆且不暇矧曰克  
 明先王之道應聖世之求乎邑中有應毀淫祠曰  
 多福院其地高墪正方以學較之僅五之一苟捐  
 數載防整之費舉此遷彼去我凶德兆嘉績於敝  
 邑竊不勝大願周公如諸生言亟下諸縣當是時  
 縣乏長吏或沮以浮言未有以處也訓導乃會邑  
 中諸父老告之故諸父老曰吾有子弟教之而不  
 為之所敢煩有司請相與經營分役蓋董董草創  
 其儀而已未幾教諭曾廷梅至相與嗟惋宮墻之  
 秦蕪而禮樂難興也以白於侍御應山傅公公方  
 誠郡縣毋輒營作煩民間是則太息曰嗟乎學校  
 老風教之所關也今吏既無師帥於下乃不究宣  
 上之令圖使諸儒抱遺經託處草莽其不稱朝廷  
 崇化勵賢之意爾經歷朱淵亟往桂度凡百役經  
 費務終厥功經歷奉令惟謹議鬻故學地及縣官  
 棄地取其直益以贖刑之金為築作費會瀟山聶

瑩為令聶固宿儒始至遂以學事為已任於是上  
 下矚然戮力有成績矣故者飾闕者興即浮屠之  
 宮以祠先師先賢中為四楹東序入楹西序入楹  
 前重門門之南鑿泮池宮左明倫堂四楹東西齋  
 如之前儀門後為講堂堂之後尊經閣亦皆四楹  
 其東北隅為啓聖祠又東敬一亭亭之南為射圃  
 亭傍列諸生房凡三十號前豎廩庾官師異館庖  
 湍潔清下至吏廨垣屋率如儀是役也訓導實倡  
 厥始而聶令克成厥終焉十八年冬十一月落成  
 徵記於余余嘗讀春秋築作臺觀必謹書之凡以  
 重民力也而魯僖作泮宮無譏焉厥有旨哉王者  
 建國君民教學為先役雖勞而不可已者此類是  
 也今臺察公持斧奉使務與民休息而獨喟然興  
 學風勸於四方可謂通經術明大義善觀人文者  
 哉或云古者國小不備其制然家有塾黨有庠術  
 有序邑雖陋必教以禮樂牛刀之戲豈其然乎聶  
 令知首務矣夫土敝則草木不長深山大澤實生  
 龍蛇地氣則然也濟濟多士歲脩游息於斯高明  
 光大自是以往彬彬多文學顯矣雖然古之設學  
 期以化民今之設學視為彌文豈獨壤地有利不

陶刻



利哉諸儒當奠厥攸居之初棄乃舊習惟新厥德  
爭自濯磨勵精聖門父大之學誠移風易俗之一  
時也不然大夫師長四十四年郡守毛鋼署縣事  
相與勸教之意荒矣

通判薛璠暨知縣廖詔增飾廟學南京工部侍郎

邑人方廉為記畧曰新城學宮建於縣治東南久矣近遷城北嘉靖乙丑歲學博何

君克念江君遜潘君斗暨庠士羅生泮凌生寰吳生一鰲徐生灌潘生壕白於督學寧國屠公議復其舊時公帑匱乏民力告竭有司難其役予謂是舉誠改作之不容已者偕諸士子聞於邑之士夫與諸民之好義者幸皆同心樂助括所費得十之六七適府判江陰薛公璠來署縣篆加意勸率謀於郡守劉州毛公以助不給邑令秦和廖君詔繼至政先學校經營諸費舉邑民陳濠董其事悉心區畫費半功倍若文廟則因舊增飾兩廡戟門名宦鄉賢祠宰牲所明倫堂儀門皆興建櫺星儒學門兩齋則移舊餘次又詔自為記今學制中為先第修舉如式云云

師廟東西兩廡前為戟門又前為櫺星門門內為

泮池上跨石橋啓聖祠就北門廢學廟祀之仍存

兩廡為號房學在廟之後前明倫堂東西兩齋曰

進德曰脩業堂後為講堂又後為尊經閣神厨在

明倫堂西宰牲所在神厨南戟門之左為名宦祠

右為鄉賢祠饌堂在明倫堂東庖福在饌堂東庖

廩在庖之東北架閣庫在土地祠東尊經閣東為

敬一亭亭之東南為射圃教諭廨宇在明倫堂後訓

導廨宇一在明倫堂左一在櫺星門右

於潛縣儒學舊在縣南二里宋崇寧間遷縣北攀龍



利哉諸儒當奠厥攸居之初葉乃舊習惟新厥德  
爭白濯磨勵精聖門久大之學誠移風易俗之一  
時也不然大夫師長  
相與勸教之意荒矣  
四十四年郡守毛鋼署縣事

通判薛璠暨知縣廖詔增飾廟學南京工部侍郎

邑人方廉為記畧曰新城學宮建於縣治東南久矣近遷城北嘉靖乙丑歲學博何

君克念江君遜潘君斗暨庠士羅生泮凌生蒙吳  
生一鰲徐生灌潘生壕白於督學寧國屠公議復  
其舊時公帑匱乏民力告竭有司難其役予謂是  
舉誠改作之不容已者偕諸士子聞於邑之士夫  
與諸民之好義者幸皆同心樂助括所費得十之  
六七適府判江陰薛公璠來署縣篆加意勸率謀  
於郡守蘄州毛公以助不給邑令秦和廖君詔繼  
至政先學校經營諸費舉邑民陳濠董其事悉心  
區畫費半功倍若文廟則因舊增飾兩廡戟門名  
宦鄉賢祠宰牲所明倫堂儀門皆興建櫺星儒學  
門兩齋則移舊餘次  
又詔自為記今學制中為先  
第修舉如式云云

師廟東西兩廡前為戟門又前為櫺星門門內為

泮池上跨石橋啓聖祠就北門廢學廟祀之仍存

兩廡為號房學在廟之後前明倫堂東西兩齋曰

進德曰脩業堂後為講堂又後為尊經閣神厨在

明倫堂西宰牲所在神厨南戟門之左為名宦祠

右為鄉賢祠饌堂在明倫堂東庖福在饌堂東庖

廩在庖之東北架閣庫在土地祠東尊經閣東為

敬一亭亭之東南為射圃教諭解宇在明倫堂後訓

導廨宇一在明倫堂左一在櫺星門右

於潛縣儒學舊在縣南二里宋崇寧間遷縣北攀龍



坊紹興十六年令何侑重修嘉泰四年令胡衛建  
歲書閣寶慶初令方熙重建廟學咸淳五年邑人  
禮部侍郎趙景緯捐貲重建令李仲熊贊成之德  
祐間令趙時祝重葺之元至正十二年主簿李霖  
李霖縣志作趙霖重建明倫堂吳度爲記二十九年江浙  
行省叅知政事董搏霄修葺之大德元年燬於兵  
國朝洪武二年知縣梁誠重建於縣西叢桂坊十年  
縣丞趙義病其隘陋遷於攀龍坊之右弘治十六  
年知縣嵇綱重建嘉靖十五年學宮壞教諭陳鐸  
請於提學僉事徐階復遷攀龍坊故址訓導婺源

汪心爲記二十六年署縣事衛經歷濮倣建青雲  
樓爲外門二十七年教諭夏汝礪徙樓於堂北知  
縣汪燁更名曰尊經閣自爲記二十八年按察司  
僉事謝體升移名宦鄉賢二祠於廢學基訓導歙  
人黃珣爲記今學制中爲先師廟左右兩廡前爲  
戟門又前爲櫺星門門之西爲宰牲所廟後爲啓  
聖祠祠右爲敬一亭廟東爲神器庫神厨土地祠  
又東爲明倫堂輔以兩齋東曰日新西曰時習堂  
後爲尊經閣閣西爲饌堂庖湏在堂之東倉廩在  
戟門西名宦鄉賢二祠在倉之前教諭廨宇在倉



之後訓導廨宇二在教諭廨宇東西

昌化縣儒學建自唐宋熙寧中建先聖廟在縣東一百步而學尚未建元祐中遷廟於鼓樓外又遷於尉廨西紹興中遷於南門內乾道中今卞園復遷於熙寧舊基稍拓大之淳熙七年今錢孜始改卞故饒氏毬場園地重建廟學陳居仁爲記復建三賢祠於東廡之南元至元二十七年徽寇犯境燬於兵惟藏書閣存延祐中更藏書閣爲尊經閣至正末亦燬於兵

國朝洪武二年知縣李質重建廟學更拓地以廣學

基六年知縣王剛中建堂暨齋舍十年知縣李順以殿宇卑陋復拓地重建廟殿併新門廡齋舍正德十六年知縣黃昇重修朱祖元爲記嘉靖十六年知縣方鉉請於提學副使陳儒復新之二十三年知縣涂勳重建四十一年教諭王瑁署縣事臨安縣丞李朝陽改建明倫堂繼任知縣華文甫爲記今學制中爲先師殿左右爲兩廡前爲戟門又前爲泮池又前爲櫺星門門之左爲聚奎亭右爲儒學門戟門之左爲啓聖祠祠東北爲敬一亭亭北爲三賢祠學在廟之後前爲明倫堂東



西兩齋曰居仁曰由義堂東北爲尊經閣閣前爲東西號舍西南爲倉庾學門之西爲射圃戟門之右爲名宦鄉賢二祠左爲土地祠明倫堂之後爲教諭廨宇其左右爲二訓導廨宇  
善曰學校之政廢則士鮮成材蓋古今嘆之矣吾郡暨九邑諸學自歷代迄我

明前後脩治者世不乏人卽諸督學使與博士亦往往多賢而近時論士風者類絀杭士何哉蓋風之敝也千百人挽之不足而風之美也十數人敗之有餘杭士好文秉禮崇耻尚義風最近古其所以見訾則有由矣何則士之賢者禮接之外率自守不往見且人亦無推轂之者故其美多不上聞而後生不檢與日暮途窮之輩每學不免有三四千人合郡學計之不啻數十百人矣是數十百人者更相出入往往以衣冠溷迹府縣中且或于撫巡藩臬處陳說干請觸怒取惡又常幸寬假未嘗必繩以法故恬無顧忌甚者數人作詩歌繪圖冊而冒列數十百人姓名以乞哀當道當道見其貪昧不閑于矩也則曰杭士不臧如此抑孰知士之賢者方憤心扼腕深惡其敗羣毀類乎夫稂莠去則



嘉穀生枳棘不除而望榭柵之鬱鬱無是也誠于此輩詳廉而痛革之庶不肖者遠而賢士不槩蒙其誚矣

射圃

三學射圃在提學道西

國朝洪武初三學各闢一圃成化七年三學總闢一

圃以開元宮廢址為之弘治十一年提學副使趙

寬改今處正德末以近臬司不便徙置水溝巷西

尋復今處嘉靖三十一年提學副使薛應旂重修

自為記三學射圃者杭州仁和錢塘三學諸生習射之圃也洪武初三學各有射圃涉於

成化辛卯乃即開元宮廢址總建三學射圃督

者就以范政繼遷代偶間屯田憲察因以居之

和戊午提學副使趙公寬至遂議度圃之左右

際心左建提學書院右建是圃以專習射迤北乃

築射通書院用便督率明年已未落成竟以原圃

讓為屯田公署其事具趙公書院記中歲久是圃

亦就蕪圯嘉靖辛亥予叨視學政屬有司葺之明

年壬子入月秋試畢事始克經理至冬十二月訖

工凡為前堂前軒各三楹東西兩廡各五楹穿堂

一楹後堂五楹厨屋三楹中外門各一座左右候



斯仁義成德而人道立矣不然將悖戾自用暴慢  
 自賢不然將多文少實足恭而勞皆君子所弗為  
 也唯射則正內直外明乎節志比於禮樂而雍容  
 揖遜之中固將發的以祈爵而折衝禦侮之規亦  
 於是乎在是謙卑而有山履愬而有虎而感德之  
 所由觀也故曰射者男子之所有事而君子之所  
 貴也可以為文可以為武可以賓相可以軍旅斯  
 其為教固會通以行禮者也吾夫子瞿相之射公  
 罔之表序點揚繩之語丁寧反覆意義具在然而  
 識其微者蓋鮮世變愈趨化湮教弛固宜視此為  
 末務矣矧茲為宋臨安故都山川精麗人物紛華  
 南渡君臣游於般樂雖大閱燕射抵供游賞而文  
 采議論徒盛聲容厥後伯顏一入相顧披靡亦何  
 益哉天祿元德我 祖肇興屬當偃武而射圃之  
 設必於文教之地圖式儀注頒在在有司昭示程法  
 回視古昔先王志慮規為後先一揆自是海內嚮  
 風德行道藝各務本實相觀而善淪浹漸摩一時  
 人才遂多卓立承平既久人情怠玩而長才秀民  
 又率多以空文混勝流俗沿洄旋失初意惟 皇  
 法 祖敦崇化原脩明禮樂思得賢俊加意膠庠

適於督學之臣特 聖書以來日切兢懼誠願於爾  
 承乏兩浙自受 聖書以來日切兢懼誠願於爾  
 有司學官弟子實心相與凡可以裨化理者不憚  
 舉行故於省城首 古之地是圃之脩復自不容緩  
 而按圖據經講明 詩習以為諸郡倡者不得不汲  
 汲也惟我同志其尚繹思仰體因禮以明義游藝  
 以畜德馴造於體志合一內外兩忘而相與有成  
 庶其無負不然漸舉也豈不亦文具也與哉余茲  
 重有懼焉矣謹記 今改校士館仍習射於此  
 之以俟考成焉

海寧縣學射圃在惠康橋東北舊在學之南洪武二  
 十年築城其地徙今處 富陽縣以下各學射圃  
 俱在儒學詳見學校

社學

仁和縣社學十在東西壁凡二 一在二圖一在  
 里凡三一 在三圖一在四圖皆舊建 在平安凡二  
 一在二圖以月塘寺改建



一在二圖舊建一在五在義和在一圖以唐在義

同安谷在二圖以普在似蘭在三圖撤東岳行

錢塘縣社學十在芝松在二在馨如在豐寧以上皆

在南良在二圖桑九在北良在一圖以福在上隅

一二圖共建本舊有在下隅在柵外

在二圖新建

海寧縣社學二在儒學東在儒學西

富陽縣社學一在縣東

餘杭縣社學二在府嘉靖九年知在儒學東嘉

七年知縣王確建

臨安縣社學一在西州外

新城縣社學一在縣東

於潛縣社學一在縣西去署一里許

昌化縣社學二在下余村南在府館西

嘉靖七年署印檢校王鵬建